

新  
唐  
書

九





百官志第三十八

唐書四十八

翰林學士兼龍圖閣學士朝散大夫給事中知制誥元史館脩撰臣歐陽修奉

敕撰

御史臺大夫一人正三品中丞二人正四品下大夫掌以刑濬典章糾正百官之罪惡中丞爲之貳其屬有三院一曰臺院侍御史隸焉二曰殿院殿中侍御史隸焉三曰察院監察御史隸焉凡寃而無告者三司詰之三司謂御史大夫中書門下也大事奏裁小事專達凡有彈劾御史以白大夫大事以方幅小事署名而已有制覆囚則與刑部尚書平閱行幸乘路車爲導朝會則率其屬正百官之班序遲明列於兩觀監察御史二人押班侍御史顯舉不如法者文武官職事九品以上及二王後朝朔望文官五品以上及兩省供奉官監察御史負外郎太常博士日參號常參官武官三品以上三日一朝號九參官五品以上及折衝當番者五日一朝號六參官弘文崇文館國子監學生四時參凡諸王入朝及以恩追至者日

參九品以上自十月至二月袴褶以朝五品以上有珂蕃官及四品非清官則否凡朝位以官職事同者先爵爵同以齒致仕官居上職事與散官勳官合班則文散官居職事之下武散官次之勳官又次之官同者異姓為後親王嗣王任文武官者從其班官卑者從王品郡王任三品以下職事者居同階品之上非任文武官者嗣王居太子太保之下郡王次之國公居三品之下郡公居從三品之下縣公居四品之下侯居從四品之下伯居五品之下子居從五品之上男居從五品之下以前官召見者居本品見任之上以理解解者居同品之下本司參集者以職事為上下文武三品非職事官者朝參名簿皆稱曰諸公凡出不踰四面關則不辭見都督刺史都護既辭候旨於側門左右僕射侍中中書令初拜以表讓中書門下五品以上及諸司長官謝於正衙復進狀謝於側門兩班三品以朔望朝就食廊下殿中侍御史二人為使泣之

高宗政治書侍御史中丞以避帝名龍朔二年改御史臺曰憲臺大夫曰大司憲中丞曰司憲大夫武后文明元年改御史臺曰肅政臺光宅元年分左

右臺左臺知百司監軍旅右臺察州縣省風俗三司命左臺兼察州縣兩臺歲再發使八人春日風俗秋曰廉察以四十八條察州縣兩臺御史有假有檢校有負外有試至神龍初皆廢景雲三年以兩臺望齊糾舉苛察百僚賦其煩乃廢右臺延和元年復置歲中以尚書省隸左臺月餘而右臺復廢至德後諸道使府參佐皆以御史為之謂之外臺復有檢校裏行內供奉或兼或攝諸使下官亦如之會昌初升大夫中丞品東都留臺有中丞一人侍御史一人殿中侍御史二人監察御史三人元和後不置中丞以侍御史殿中侍御史監察御史主留臺事務而三院御史亦不常備

侍御史六人從六品下掌糾舉百寮及入閣承詔知推彈雜事凡三司理事與給事中中書舍人更直朝堂若三司所按而非其長官則與刑部郎中負外郎大理司直評事往訊彈劾則大夫中丞押奏大事法冠朱衣纁裳白紗中單小事常服又次者一人知雜事謂之雜端殿中監察職掌進名遷改及令史考第臺內事顯決亦號臺端次一人知公解次一人知彈分京城諸司及諸州為東西次一人知西推贓贖三司受事號副端次一人知東推理斷等有不糾舉者罰之以殿中侍御史第一人同知東推莅太倉出納第二人同知西推莅左藏出納號四推御史隻日臺院受事雙日殿院受事次侍御史一人分司東都臺凡御史以下遇長官



於路去戴下馬長官斂轡止之出入行止殿中以下視以為法先後有罰入朝則與殿中侍御史隨仗分入東則居侍中黃門侍郎給事中之次西則居中書令侍郎舍人之次各居中丞大夫下每一人東嚮承詔五日有旨召御史不呼名則承詔者出樂彥璋為大夫以嘗召兩御史乃加副承詔一人闕則殿中承乏監察御史分日直朝堂入自側門非奏事不至殿庭正門無籍天授中詔側門置籍得至殿庭開元七年又詔隨仗入閣分左右巡糾察違失左巡知京城內右巡知京城外盡雍洛二州之境月一代將晦即巡刑部大理東西徒坊金吾縣獄蒐狩則監圍察斷絕失禽者其後以殿中掌左右巡尋以務劇選用京畿縣尉又置御史裏行使侍御史裏行使殿中裏行使監察裏行使以未為正官無負數唐法殿中侍御史遷拜及職事與侍御史鈞開元以降權屬侍御史而殿中兼知庫藏宮門內事故事御史臺不受訟有訴可聞者略其姓名託以風聞其後御史嫉惡者少通狀壅絕十四年乃定

授事御史一人知其日劾狀題告事人姓名其後宰相以御史權  
重建議彈奏先白中丞大夫復通狀中書門下然後得奏自是御  
史之任輕矣建中元年以侍御史分掌公廨推彈自是雜端之任

輕矣元和八年命四推御史受事周而復始罷東西分日之限隋末

廢殿內侍御史義寧元年丞相府置察非塚二人武德元年改曰殿中侍御史龍朔元  
年置監察御史裏行武后文明元年置殿中裏行後亦繼以裏行名官長安三年置內供奉

主簿一人從七品下掌印受事發辰覈臺務主公廨及戶奴婢

勳散官之職錄事二人從九品下有主事二人臺院有今史七十八人書今史二十  
五人亭長六人掌固十二人殿院有今史八人書

今史十八人察院有計史三十  
四人今史十八人掌固十二人

殿中侍御史九人從七品下掌殿庭供奉之儀京畿諸州兵皆隸

焉正班列於閣門之外糾離班語不肅者元日冬至朝會則乘馬

具服戴黑豸升殿巡幸則往來門旗之內檢校文物虧失者一人

同知東推監太倉出納一人同知西推監左藏出納二人為廊下

食使二人分知左右巡三人內供奉

監察御史十五人正八品下掌分察百寮巡按州縣獄訟軍戎祭祀

營作太府出納皆益焉知朝堂左右廂及百司綱目凡十道巡按以判官二人爲佐務繁則有支使其一察官人善惡其二察戶口流散籍帳隱沒賦役不均其三察農桑不勤倉庫減耗其四察妖猾盜賊不事生業爲私蠹害其五察德行孝悌茂才異等藏器晦跡應時用者其六察黠吏豪宗兼并縱暴貧弱冤苦不能自申者凡戰伐大克獲則數傳誡審功賞然後奏之屯田鑄錢嶺南黔府選補亦視功過糾察決囚徒則與中書舍人金吾將軍益之國忌齋則與殿中侍御史分察寺觀葺宴射習射及大祠中祠視不如儀者以聞初開元中兼巡傳驛至二十五年以監察御史檢校兩京館驛大曆十四年兩京以御史一人知館驛號館驛使監察御史分察尚書省六司繇下第一人爲始出使亦然興元元年以第一人察吏部禮部兼監祭使第二人察兵部工部兼館驛使第三人察戶部刑部歲終議殿最元和中以新人不出使無以觀能否乃命顯察尚書省號曰六察官開元十九年以監察御史二人莅太倉左



藏庫三院御史皆初領繁劇外府推事其後以殿中侍御史上一人爲監太倉使第二人爲監左藏庫使凡諸使下三院御史內供奉其班居正臺監察御史之上

太常寺卿一人正三品少卿二人正四品上掌禮樂郊廟社稷之事摠郊社太樂鼓吹太醫太卜廩犧諸祠廟等署少卿爲之貳凡大禮則贊引有司攝事則爲亞獻三公行園陵則爲副大祭祀省牲器則謁者爲之道寸小祀及公卿嘉禮命謁者贊相凡巡幸出師克復皆擇日告太廟凡藏大享之器服有四院一曰天府院藏瑞應及伐國所獲之寶祫袷則陳于廟庭二曰御衣院藏天子祭服三曰樂縣院藏六樂之器四曰神廚院藏御廩及諸器官奴婢初有衣冠署令正八品上貞觀元年署廢高宗即位改治禮郎曰奉禮郎以避帝名龍朔二年改太常寺曰奉常寺九寺卿皆曰正卿少卿曰大夫試后光宅元年復改太常寺曰司禮寺

丞二人從五品下掌判寺事凡享太廟則脩七祀于西門之內主簿二人從七品上

博士四人從七品上掌辨五禮按王公三品以上功過善惡爲之謚  
大禮則贊卿道引

太祝六人正九品上掌出納神主祭祀則跪讀祝文卿省牲則循  
牲告充牽以授太官

奉禮郎二人從九品上掌君臣版位以奉朝會祭祀之禮宗廟則  
設皇帝位於庭九廟子孫列焉昭穆異位去爵從齒凡樽彝

勺冪箒筐坩篚簋盥登鉶簋豆皆辨其位凡祭祀朝會在位拜跪  
之節皆贊道守之公卿巡行諸陵則主其威儀鼓吹而相其禮

協律郎二人正八品上掌和律呂錄事二人從九品上八寺錄事品同  
有禮院修撰檢討官各一人府十二人史二十三人調者十人贊引二十人贊者  
四人祝史六人贊者十六人太常寺禮院禮生各三十五人亭長八人掌固十二人

兩京郊社署令各一人從七品下丞各一人從八品上令掌五郊社  
稷明堂之位與奉禮郎設樽罍篚冪而太官令實之立燎壇積

柴合朔有變則巡察四門以俟變過明則罷  
有府二人史四人典事五人掌  
固五人門僕八人齋郎百二十  
人齋郎掌供郊廟之役太廟九室室有長三人以主樽罍篚冪鑽鑪又有鬯洗二人  
如壇有掌坐二十四人以主神御之物皆禮部奏補凡室長十年掌座十二年皆授官祭饗

而貞少兼取三館學生皆絳衣絳幘更一番者戶部下蠲符處一申考諸署所擇者  
太常以十月申解於禮部如貢舉法帖論語及一大經中第者錄奏吏部注各集敝官  
否者番上如初六試而絀授散官唐初以郊社太樂鼓吹太醫醫太官左藏乘黃典殿典  
客上林太倉平準常平典校左尚右尚爲上署鈞盾右藏織染掌冶爲中署珍羞良醞掌  
醞守官武器車府司儀崇文導守官觀官河渠等  
坊甲坊舟楫太卜廩犧中校左校右校爲下署

太樂署令二人從七品下丞一人從八品下樂正八人從九品下令  
掌調鐘律以供祭饗凡習樂立師以教而歲考其師之課業爲  
三等以上禮部十年大校未成則五年而校以番上下有故及不  
任供奉則輸資錢以充伎衣樂器之用散樂閏月人出資錢百  
六十長上者復縣役音聲人納資者歲錢二千博士教之功多者  
爲上第功少者爲中第不勤者爲下第禮部覆之十五年有五  
上考七中考者授散官直本司年滿考少者不叙教長上弟子四  
考難色二次難色二人業成者進考得難曲五十以上任供奉  
者爲業成習難色大部伎三年而成次部二年而成易色小部  
伎一年而成皆入等第三爲業成業成行脩謹者爲助教博士歟  
以次補之長上及別教未得十曲給資三之一不成者隸鼓吹署習



大小橫吹難色四番而成易色三番而成不成者博士有謫內教

博士及弟子長教者給資錢而留之武德後置內教坊于禁中

武后如意元年改曰雲韶府以中官為使開元二年又置內教坊

于蓬萊宮側有音聲博士第一曹博士第二曹博士京都置左

右教坊掌俳優雜技自是不隸太常以中官為教坊使唐改太

正有府三人史六人典事八人掌固六人文武二舞郎一百四十人散樂三百八十二人仗內散

樂一千人音聲人一萬二十七人有別教院開成三年改法曲所處院曰仙韶院

鼓吹署令二人從七品下丞二人從八品下樂正四人從九品下令

掌鼓吹之節合朔有變則帥工人設五鼓于太社執麾旒于四

門之塾置龍牀有變則舉麾擊鼓變復而止馬射設柶鼓金

鈺施龍牀大儺帥鼓角以助侖子之唱有府三人史六人典事四人掌固四人

唐并清商鼓吹為一署增令一人

太醫署令二人從七品下丞二人醫監四人並從八品下醫正八人

從九品下令掌醫療之法其屬有四一曰醫師二曰針師三曰

按摩師四曰呪禁師皆教以博士考試登用如國子監醫師醫正

醫工療病書其全之多少為考課歲給藥以防民疾凡陵寢廟

皆儲以藥尚藥太常醫各一人受之官人患坊有藥庫監門蒞  
出給醫師醫監醫正番別一人蒞坊凡課藥之州置採藥師一人  
京師以良田爲園庶人十六以上爲藥園生業成者爲師凡藥辨  
其所出擇其良者進焉

有府二人史四人主藥八人藥童二十四人藥園師二人藥園  
生八人掌固四人醫師二十人醫工百人醫士四十人典藥  
一人針工二十人針生二十人按摩工五十六人按  
摩生十五人呪禁師二人呪禁工八人呪禁生十人

醫博士一人正八品上助教一人從九品上掌教授諸生以本草甲  
乙脉經分而爲業一曰體療二曰瘡腫三曰少小四曰耳目口齒五曰  
角法

針博士一人從八品上助教一人針師十人並從九品下掌教針生  
以經脉孔穴教如醫學生

按摩博士一人按摩師四人並從九品下掌教導引之法以除疾  
損傷折跌者正之

呪禁博士一人從九品下掌教呪禁祓除爲厲者齋戒以受焉  
太卜署令一人從七品下丞二人從八品下卜正博士各二人從九品

下掌上筮之法一曰龜二曰五兆三曰易四曰式祭祀大事率卜正  
卜日示高於卿退而命龜既灼而占先上旬次中旬次下旬小祀  
小事者則卜正示高命龜作而太卜令佐蒞之季冬帥侂子堂贈  
大讎天子六隊太子二隊方相氏右執戈左執楯而導之唱十二  
神名以逐惡鬼讎者出磔雄雞于宮門城門有卜助殺二人卜師二十人巫師  
十五人卜筮生四十五人府一人

史二人掌  
固二人

廩犧署令一人從八品下丞二人正九品下掌犧牲粢盛之事祀用  
太牢者三牲加酒脯醢與太祝牽牲就勝位卿省牲則北面告臚  
以授太官籍田則供耒于司農卿卿以授侍中籍田所收以供粢  
盛五齊三酒之用以餘及稟飼犧牲有府一人史二人典  
事二人掌固二人

汾祠署令一人從七品下丞一人從八品上掌享祭灑掃之制有府  
二人

史四人廟幹二人開  
元二十一年置署

三皇五帝以前帝王三皇五帝周文王周武王漢高祖兩京武成  
王廟令一人從六品下丞一人正八品下掌開闔灑掃釋奠之禮

有錄事一人府二人史四人廟幹二人掌固四人門僕八人神龍二年兩京置齊太公廟署其後廢開元十九年復置天寶三載初置周文王廟署六載置三皇五帝廟署七載置三皇五帝以前帝王廟署九載置周武王漢高祖廟署上元元年改齊太公署為武成王廟署朱全忠曰武明

光祿寺卿一人從三品少卿二人從四品上丞二人從六品上主簿二

人從七品上掌酒醴膳羞之政摠太官珍羞良醞掌醢四署凡

祭祀省牲鑊濯既三公攝祭則為終獻朝會宴享則節其等差錄

事二人龍朔二年改光祿寺曰司宰寺武后光宅元年曰司膳寺有府十一人史二十一人其長六人掌固六人

太官署令二人從七品下丞四人從八品下掌供祠宴朝會膳食祭

日令白卿詣廚省牲鑊取明水明火帥宰人割牲取毛血實豆遂

享爨實簋簠設于饌幕之內有府四人史八人監膳十人監膳史十五人供膳二千四百人掌固四人

珍羞署令一人正八品下丞二人正九品下掌供祭祀朝會賓客

之庶羞榛栗脯脩魚鹽菱芡之名數武后垂拱元年改有藏署曰珍羞署神龍元年復舊開元元年又改

有府三人史六人典書八人錫匠五人掌固四人

良醞署令二人正八品下丞二人正九品下掌供五齊三酒享太廟

則供饗以實六彝升進御則供春暴秋清醑釀桑落之酒有府三人史六人



人監事二人掌醴二十人酒匠十  
三人奉解百二十人掌固四人

掌醴署令一人正八品下丞二人正九品下掌供醴醴之物一曰鹿

醴二曰兔醴三曰羊醴四曰魚醴宗廟用菹以實豆賓客百官

用醴醬以和羹有府二人史二人主醴十人醬匠二十三人酢  
匠十二人鼓匠十二人菹醴匠八人掌固四人

衛尉寺卿一人從三品少卿二人從四品上丞二人從六品上掌器

械文物摠武庫武器守宮三署兵器入者皆籍其名數祭祀朝

會則供羽儀節鉞金鼓帷帟茵席凡供宮衛者歲再閱有敝

則脩於少府主簿二人從七品上錄事一人龍朔二年改曰司衛寺武后光宅  
元年又改有府六人史十一人亭長

四人掌  
國六人

丞掌判寺事辨器械出納之數大事承制勅小事則聽於尚書省

兩京武庫署令各二人從六品下丞各二人從八品下掌藏兵械

有敕建金雞置鼓宮城門之右大理及府縣囚徒至則擊之監

事各一人正九品上諸署監事品同有府各六人史各六人典事各二人掌固  
各五人開元二十五年東都亦置署

武器署令一人正八品下丞二人正九品下掌外戎器祭祀巡幸則

納於武庫給六品以上葬函簿榮戟凡戟廟社宮殿之門二十  
有四東宮之門一十八一品之門十六二品及京北河南太原尹大  
都督大都護之門十四三品及上都督中都督上都護上州之門  
十二下都督下都護中州下州之門各十衣幡壞者五歲一易之  
薨卒者既葬追還監事二人有府二人史六人典事二人掌  
固四人貞觀中東都亦置署

守宮署令一人正八品下丞二人正九品下掌供帳亦祭祀巡幸  
則設王公百官之位吏部兵部禮部試貢舉人則供帷幕王公  
婚禮亦供帳具京諸司長上官以品給其牀廚供蕃客帷帟則題  
歲月席壽三年齏壽五年褥壽七年不及期而壞有罰監事二

人有府二人史四人掌設六  
人幕士八十八人掌固四人

宗正寺卿一人從三品少卿二人從四品上丞二人從六品上掌天子族  
親屬籍以別昭穆領陵臺崇玄二署凡親有五等先定於司封  
一曰皇帝周親皇后父母視三品二曰皇帝大功親小功尊屬太  
皇太后皇太后皇后周親視四品三曰皇帝小功親總麻尊屬太皇

太后皇太后皇后大功親視五品四曰皇帝總麻親袒免尊屬太  
皇太后皇太后皇后小功親五曰皇帝袒免親太皇太后小功卑  
屬皇太后皇后總麻親視六品皇帝親之夫婦男女降本親二  
等餘親降三等尊屬進一等降而過五等者不為親諸王大長  
公主長公主親本品嗣王郡王非三等親者亦視五品駙馬都尉  
視諸親祭祀冊命朝會陪位襲封者皆以簿書上司封主簿二  
人從七品上知圖譜官一人脩玉牒官一人知宗子表疎官一人錄

事二人

武德二年置宗師一人後省龍朔二年改宗正寺曰宗寺武后光宅元年曰屬  
寺有府五人史五人亭長四人掌固四人京師太廟齋郎各一百三十人門僕各三十

三人主簿錄  
事各二人

諸陵臺令各一人從五品上丞各一人從七品下建初啓運興寧永康  
陵各一人從七品下丞各一人從八品下掌守衛山陵凡陪葬  
以文武分左右子孫從父祖者亦如之宮人陪葬則陵戶成墳諸  
陵四至有封禁民葬唯故墳不毀

開元二十四年以宗廟所奉不可名以署太常  
少卿韋縚奏廢太廟署以少卿一人知太廟

事二十五年獲陽王徽為宗正卿恩遇甚厚建議以宗正司屬籍乃請以陵寢宗廟隸宗正  
天寶十二載駙馬都尉張坤為太常卿得幸又以太廟諸陵署隸太常十載改獻昭乾定橋

五陵署為臺外令品永康興寧二陵稱署如故至德二年復以陵廟隸宗正永泰元年太常卿姜慶初復奏以陵廟隸太常大曆二年復舊陵臺有錄事各一人府各二人史各四人主簿主藥各四人典事各三人掌固各二人陵戶各三百人昭陵乾陵橋陵增百人諸陵有錄事各一人府各一人史各二人典事各二人掌固各二人陵戶各百人

諸太子廟令各一人從八品上丞各一人正九品下錄事各一人令

掌灑掃開闔之節四時享祭焉有府各一人史各二人典事各二人掌固各一人

諸太子陵令各一人從八品下丞各一人從九品下錄事各一人有府各一人史各一人

各二人典事各二人掌固各一人陵戶各三十人太常舊有太廟署今一人從七品下丞二人從七品下齋郎二十四人

崇文署令一人正八品下丞一人正九品下掌京都諸親名數與道

士帳籍齋醮之事新羅日本僧入朝學問九年不還者編諸籍

道士女官僧尼見天子必拜凡止民家不過三夜出踰宿者立案連

署不過七日路遠者州縣給程天下觀一千六百八十七道士七百

七十六女官九百八十八寺五千三百五十八僧七萬五千五百二十

四尼五萬五百七十六兩京度僧尼道士女官御史一人泣之每

三歲州縣為籍一以留縣一以留州僧尼一以上祠部道士女官一

以上宗正一以上司封有府二人史三人典事六人掌固二人崇文學士一人學生百人隋以署隸鴻臚又有道場立壇唐置諸寺觀監隸鴻臚寺

每寺觀有監二人貞觀中廢寺觀監上元二年置奉國監尋廢開元二十五年置崇玄學於  
玄元皇帝廟天寶元年兩京置博士助教各一員學生百人每祠享以學生代齋郎二載改崇  
玄學曰崇玄館博士曰學士助教曰直學士置大學士二人以宰相為之領兩京立元官及道院改  
天下崇玄學為通道學博士曰道德博士未幾而罷賈應永泰間學生存者十幾大曆三年  
復增至百入初天下僧尼道士女官皆隸鴻臚寺武后延載元年以僧尼隸祠部開元二十四年道  
士女官隸宗正寺天寶二載以道士隸司封貞元四年崇玄館罷大學士後復置左右街功德使  
使東都功德使脩功德使總僧尼之籍及功役元和二年以道士女官隸左右街功德使會  
昌二年以僧尼隸主客大清宮置玄元館亦有學士至六年廢而僧尼復隸兩街功德使

太僕寺卿一人從三品少卿二人從四品上丞四人從六品上主簿二

人從七品上錄事二人卿掌廄牧輦輿之政摠乘黃典廄典牧

車府四署及諸監牧行幸供五路屬車凡監牧籍帳歲受而會

之上駕部以議考課永徽中太僕寺曰司馭寺武后光宅元年改曰司僕寺有十七人  
史三十四人獸醫六百人獸醫博士四人學生百人亭長四人掌固六人

乘黃署令一人從七品下丞一人從八品下掌供車路及馴馭之法凡

有事前期四十日率駕士調習尚乘隨路色供馬前期二十日調

習於內侍省有府人史二人駕士一百四十人  
人羊車小史十四人掌固六人

典廄署令二人從七品下丞四人從八品下掌飼馬牛給養雜畜良

馬一丁中馬二丁騫馬三丁乳駒乳犢十給一丁有府四人史八人主乘六人典事八  
人執馭百人駕士八百人掌固六人

典牧署令三人正八品上丞六人從九品上掌諸牧雜畜給納及酥



酪脯腊之事羣牧所送羊犢以供廩犧尚食監事八人

有府四人史八人典事十六人

主路七十四人駕士百六十八人掌固四人

車府署令一人正八品下丞一人正九品下掌王公以下車路及馴

馭之法從官三品以上婚葬給駕士凡路車之馬牛率馭士調

習

有府一人史二人典書四人馭士百七十五人掌固六人

諸牧監上牧監監各一人從五品下副監各二人正六品下丞各二

人正八品上主簿各一人正九品下中牧監監正六品下副監從

六品下丞從八品上主簿從九品上下牧監監從六品下副監正

七品下丞正九品上主簿從九品下中牧監副監丞減上牧監一

員南使西使丞各三人從七品下錄事各一人從九品下北使鹽

州使丞各二人從七品下掌羣牧孳課凡馬五千為上監三千

為中監不及為下監馬牛之羣有牧長有尉馬之驚良皆著籍

良馬稱左驚馬稱右每歲孟秋羣牧使以諸監之籍合為一以

仲秋上於寺送細馬則有牽夫識馬小兒獸醫等凡馬游牝以

三月駒犢在牧者三歲別羣孳生過分有賞死耗亦以率除之

歲終監牧使巡按以功過相除為考課上牧監有錄事各一人府各三人史各六人典事各八人掌固各四人中牧

監減府一人史典事各減二人下牧監典事掌固減二人南使西使錄事史各一人府各五人史各九人北使鹽州使錄事以下負數及品如南使麟德中置八使分總監坊秦蘭原渭四州及河曲之地凡監四十有八南使有監十五西使有監十六北使有監七鹽州使有監八嵐州使有監二自京師西屬隴右有七馬坊置隴右三使領之又有沙苑樓煩天馬監沙苑監掌畜隴右諸牧牛羊給宴祭及尚食所用每歲與典牧署供焉自監以下品數如下牧監至開元二十三年廢監

東宮九牧監丞二人正八品上錄事一人從九品下掌牧養馬牛以

供皇太子之用有錄事史各一人府三人史六人初監有監副監丞主簿錄事各二人府二人史四人典事四人掌固二人自監以下品同下牧監又有馬牧使有丞以下官

大理寺卿一人從三品少卿二人從五品下掌折獄詳刑凡罪抵流死

皆上刑部覆於中書門下繫系者五日一慮龍朔二年改曰詳刑寺武后光宅元年改曰司刑寺中宗時廢獄丞有

府二十八人史五十六人司直史十二人評事史二十四人獄史六人亭長四人掌固十八人問事百人

正二人從五品下掌議獄正科條凡丞斷罪不當則以法正之五品

以上論者莅使巡幸則留摠持寺事

丞六人從六品上掌分判寺事正刑之輕重徒以上囚則呼與家屬

告罪問其服否

主簿二人從七品上掌印省署鈔目句檢稽失凡官吏抵罪及雪免皆立簿私罪贖銅一斤公罪二斤皆爲一負十負爲一殿每歲吏部兵部牒覆選人殿負錄報焉

獄丞二人從九品下掌率獄史知囚徒貴賤男女異獄五品以上月一沐暑者則置槩禁紙筆金刃錢物杵挺入者囚病給醫藥重者脫械鎖家人入侍

司直六人從六品上評事八人從八品下掌出使推按凡承制推訊長吏當停務禁錮者請魚書以往錄事二人

鴻臚寺卿一人從三品少卿二人從四品上丞二人從六品上掌賓客及凶儀之事領典客司儀二署凡四夷君長以蕃望高下爲簿朝見辨其等位第三等居武官三品之下第四等居五品之下第五等居六品之下有官者居本班御史察食料二王後夷狄君長龍衣官爵者辨嫡庶諸蕃封命則受冊而往海外諸蕃朝賀進貢使有下從留其半於境繇海路朝者廣州擇首領一人左右二人

入朝所獻之物先上其數於鴻臚凡客還鴻臚籍衣齋賜物多  
少以報主客給過所蕃客奏事具至日月及所奏之宜方別為狀  
月一奏為簿以副藏鴻臚獻馬則殿中太僕寺伍閱良者入殿  
中駑病入太僕獻藥者鴻臚寺驗覆少府監定價之高下鷹  
鶻狗豹無估則鴻臚定所報輕重凡獻物皆客執以見駝馬則  
陳于朝堂不足進者州縣留之皇帝皇太子為五服親及大臣  
發哀臨弔則卿贊相大臣一品葬以卿護二品以少卿三品以丞  
皆司儀示以禮制主簿一人從七品上錄事二人

廩寺有府五人史十人  
亭長四人掌固六人

龍朔二年改鴻臚寺曰同  
文寺武后光宅元年改曰司

典客署令一人從七品下丞三人從八品下掌二王後介公鄰公之  
版籍及四夷歸化在藩者朝貢宴享送迎皆預焉酋渠首領  
朝見者給稟食病則遣醫給湯藥喪則給以所須還蕃賜物  
則佐其受領教拜謝之節

有典客十三人府四  
人史八人掌固二人

掌客十五人正九品上掌送迎蕃客類蒞館舍司儀署令一人正

八品下丞一人正九品下掌凶禮喪葬之具京官職事三品以上散官二品以上祖父母父母喪職事散官五品以上都督刺史卒于京師及五品死王事者將葬祭以少牢率齋郎執俎豆以往三品以上贈以束帛黑一纁二一品加乘馬既引遣使贈於郭門之外皆有束帛一品加璧五品以上葬給營墓夫

有司儀六人府二史四人掌設十八人齋郎三十人掌固四人幕士六十人

司農寺卿一人從三品少卿二人從四品上掌倉儲委積之事摠上林太倉鉤盾道柔官四署及諸倉司竹諸湯宮苑鹽池諸屯等監凡京都百司官吏祿稟朝會祭祀所須皆供焉藉田則進耒耜

丞六人從六品上摠判寺事凡租及棊結至京都者閱而納焉官戶奴婢有技能者配諸司婦人入掖庭以類相偶行宮監牧及賜王公公主皆取之凡孳生鷄彘以戶奴婢課養俘口則配輕使始至給稟食主簿二人從七品上錄事二人

龍朔二年改司農寺曰司稼寺有府三十八人史七十六人計史三

人真寧長九人掌固七人



上林署令二人從七品下丞四人從八品下掌苑園池植果蔬以供朝會祭祀及尚食諸司常料季冬藏冰千段先立春三日納之冰井以黑牡秬黍祭司寒仲春啓冰亦如之監事十人有府史十四人典事二

十四人掌固五人

太倉署令三人從七品下丞五人從八品下監事八人掌廩藏

之事

有府十人史二十人典事二十四人掌固八人

鈎盾署令二人正八品上丞四人正九品上監事十人掌供薪炭鵝

鴨蒲藺陂池藪澤之物以給祭祀朝會饗燕賓客有府七人史十四人典事

十九人掌固五人

道柔官署令二人正八品下丞四人正九品上監事十人掌道柔擇

米麥凡九穀皆隨精麩醜差其耗損而供焉有府八人史十六人典事二十四人掌固五月初有御細

倉督總監倉督貞觀中省

太原永豐龍門等倉每倉監一人正七品下丞二人從八品上

掌倉廩儲積凡出納帳籍歲終上寺有錄事一人府三人史六人典事八人掌固六人龍門等倉減府又

史典事掌固  
各城二人

司竹監一人從六品下副監一人正七品下丞二人正八品上掌植

竹葦供官中百司簾篚之屬歲以筭供尚食有錄事一人府二人史四人典事三十人掌固四人掌園

匠一  
百人

慶善石門溫泉湯等監每監監一人從六品下丞一人正七品下

掌湯池宮禁防堰及侍粟芻脩調度以備供奉王公以下湯館

視貴賤為差凡近湯所潤瓜蔬先時而熟者以薦陵廟有錄事一人府二人史

二人掌  
固四人

京都諸宮苑摠監監各一人從五品下副監各一人從六品下丞各

二人從七品下主簿各二人從九品上掌苑內宮館園池

禽魚果木凡官屬人畜出入皆有籍有錄事各二人府各八人史各十六人亭長各

四人掌固各六  
人獸醫各五人

京都諸園苑監苑四面監監各一人從六品下副監各一人從七品

下丞各二人正八品下掌完葺苑面官館園池與種蒔蕃養六

畜之事

顯慶二年改青城宮監曰東都苑苑北面監明德官監曰東都苑南面監洛陽官農園監曰東都苑東面監倉貨監曰東都苑西面監有錄事各二人府各三人史各六人典事各六人掌固各六人

九成宮摠監監一人從五品下副監一人從六品下丞一人從七品

下主簿一人從九品上掌脩宇宮苑供進鍊餉之事有錄事一人府三人自監以下

品同宮苑武德初改隋仁壽官監曰九成宮監

諸鹽池監監一人正七品下掌鹽功簿帳有錄事一人史二人

諸屯監一人從七品下丞一人從八品下掌營種屯田句會功課

及畜產簿帳以水旱蠲蝗定課屯主勸率營農督斂地課有錄事一人

人府一人史二人典事二人掌固四人每屯主人屯副一人主簿一人錄事一人府三人史五人

太府寺卿一人從三品少卿二人從四品上掌財貨廩藏藏貨易

摠京都四市左右藏常平七署凡四方貢賦百官俸秩謹其出

納賦物任土所出定精麴醴之差祭祀幣帛皆供焉龍朔二年改太府寺曰外府寺武后光

宅元年改曰司府寺中宗即位復曰太府寺有府二十五人史五十人計史四人亭長七人掌固七人

丞四人從六品上掌判寺事凡元日冬至以方物陳于庭者受而

進之會賜及別勅六品以下賜者給於朝堂以一人主左右藏署  
帳凡在署為簿在寺為帳三月一報金部

主簿二人從七品上掌印省鈔目句檢稽失平權衡度量歲以

八月印署然後用之錄事二人兩京諸市署令一人從六品上丞

二人正八品上掌財貨交易度量器物辨其真偽輕重市肆皆

建標築土為候禁權固及參市自殖者凡市日中擊鼓三百以

會眾日入前七刻擊鈺三百而散有果毅巡進平貨物為三等之

直十日為簿車駕行幸則立市于頓側互市有衛士五十人以察

非常有錄事二人府三人史七人典事三人掌固一人

左藏署令三人從七品下丞五人從八品下監事八人掌錢帛雜

綵天下賦調卿及御史監閱有府九人史十八人典事十三人掌固八人

右藏署令二人正八品上丞三人正九品上監事四人掌金玉珠寶銅

鐵骨角齒毛綵畫有府五人史十三人典事七人掌固十二人

常平署令一人從七品上丞二人從八品下監事五人掌平糴倉儲

出納有府四人史八人典事五人掌手固六人顯慶三年置署武后時東郊亦置署

國子監祭酒一人從三品司業二人從四品下掌儒學訓導之政

摠國子太學廣文四門律書算凡七學天子視學皇太子齒胄

則講義釋奠執經論議奏京文武七品以上觀禮凡授經以周易

尚書周禮儀禮禮記毛詩春秋左氏傳公羊傳穀梁傳各為一經

兼習孝經論語老子歲終考學官訓導多少為殿最

丞一人從六品下掌判監事每歲七學子生業成與司業祭酒在試

登第者上於禮部

主簿一人從七品下掌印句督監事七學子生不率教者舉而免之

錄事一人從九品下武德初以國子監曰國子學隸太常寺貞觀二年復曰監龍朔二年改國子監曰司成館祭酒曰大司成司業曰少司成咸亨元年復曰監垂

拱元年改國子監曰成均監有府七人史十三人亭長六人掌固八人

國子學博士五人正五品上掌教三品以上及國公子孫從二品以上

曾孫為生者五分其經以為業周禮儀禮禮記毛詩春秋左氏

傳各六十人暇則習隸書國語說文字林三倉爾雅每歲通兩經



求仕者上於監秀才進士亦如之學生以長幼為序習正業之外

教吉凶二禮公私有事則相儀龍朔二年改博士曰宣業有大成十人學生八十人典學四人廟幹二人掌固四人東都學生十五人

助教五人從六品上掌佐博士分經教授

直講四人掌佐博士助教以經術講授

五經博士各二人正五品上掌以其經之學教國子周易尚書毛

詩左氏春秋禮記為五經論語孝經爾雅不立學官附中經而已

太學博士六人正六品上助教六人從七品上掌教五品以上及郡

縣公子孫從三品曾孫為生者五分其經以為業每經百人有學生十人

典學四人掌固六人東都學生十五人

廣文館博士四人助教二人掌領國子學生業進士者有學生六十人東都十人天寶九載置

廣文館有知進士助教後罷知進士之名

四門館博士六人正七品上助教六人從八品上直講四人掌教七

品以上侯伯子男子為生及庶人子為俊士生者有學生三百人典學四人掌固六人東都學生五十八人

律學博士三人從八品下助教一人從九品下掌教八品以下及庶人

子為生者律令為顯業兼習格式法例

隋律學博士八人武德初隸國子監尋廢貞觀六年復

置顯慶三年又廢以博士以下隸大理寺龍朔二年復置有學生二十人典學二人元和初東都置學生五人

書學博士二人從九品下助教一人掌教八品以下及庶人子為生者

石經說文字林為顯業兼習餘書

武德初廢書學自觀二年復置顯慶三年又廢以博士以下隸秘書省龍朔二

年復有學生十八人典學二人東都學生三人

算學博士三人從九品下助教一人掌教八品以下及庶人子為生

者二分其經以為業九章海島孫子五曹張丘建夏侯陽周髀

五經算綴術緝古為顯業兼習記遺三等數凡六學束脩之禮督

課試舉皆如國子學助教以下所掌亦如之

唐廢算學顯慶元年復置三年又廢以博士以下隸太史局龍

朔二年復有學生十八人典學二人東都學生二人

少府監一人從三品少監二人從四品下掌百工技巧之政摠中尚

左尚右尚織染掌冶五署及諸冶鑄錢互市等監供天子器御

后妃服飾及郊廟圭玉百官儀物凡武庫袍襦皆識其輕重乃藏

之冬至元日以給衛士諸州市牛皮角以供用牧畜角筋腦革悉

輸焉鈿鏤之工教以四年車路樂器之工三年平漫刃稍之工二年矢鏃竹漆屈柳之工半焉冠冕弁幘之工九月教作者傳家技四季以令丞試之歲終以監試之皆物勒工名

丞六人從六品下掌判監事給五署所須金石齒革羽毛竹木所入之物各以名數州土為籍工役眾寡難易有等差而均其勞逸

主簿二人從七品下錄事二人從九品上

武德初廢監以諸署隸太府寺貞觀元年復置龍朔二年改曰內府監武后垂拱元年曰尚方監有府二十七人史十七人計史三人亭長八人掌固六人短鑿匠五千二十九人綾錦坊巧兒三百六十五人內作使綾匠八十三人掖庭綾匠百五十人內作巧兒四十二人配京都諸司諸使雜匠百二十五人

中尚署令一人從七品下丞二人從八品下掌供郊祀圭璧及天子器玩后妃服飾彫文錯綵之制凡金木齒革羽毛任土以時而供赦日樹金雞於仗南竿長七丈有雞高四尺黃金飾首銜絳幡長七尺承以綵盤維以絳繩將作監供焉擊掌柶鼓千聲集百官父老囚徒坊小兒得鷄首者官以錢購或取絳幡而已歲二月獻牙尺寒食獻毬五月獻綬帶夏至獻雷車七月獻鈿針臘日獻口脂唯

筆琴瑟絃月獻金銀暨紙非旨不獻製魚袋以給百官蕃客賜

寶鈿帶魚袋則授鴻臚丞主簿監作四人從九品下凡監作皆

同品有府九人史十八人典事四人掌固四人唐改內尚方署曰中尚方署武后改少府監曰尚方監而中左右尚方織染方常手治方五署皆去方以避監自是不改矣有金銀作坊院

左尚署令一人從七品下丞五人從八品下掌供翟扇蓋繖五路五

副七輦十二車及皇太后皇太子公主王妃內外命婦王公之車路凡

畫素刻鏤與宮中蠟炬雜作皆領之監作六人有府七人史二十人典事十八人掌固十四人

右尚署令二人從七品下丞四人從八品下掌供十二閑馬之轡每

歲取於京北河南府加飾乃進凡五品三部之帳刀劍斧鉞甲胄

紙筆茵席履舄皆擬其用皮毛之工亦領焉監作六人有府七人史二十人典事

十三人掌固十人

織染署令一人正八品上丞二人正九品上掌供冠冕組綬及織絳

色染錦羅紗縠綾綉縮絹布皆廣尺有八寸四丈為匹布五丈

為端綿六兩為屯絲五兩為絢麻三斤為緞凡綾錦文織禁示

於外高品一人專莅之歲奏用度及所織每掖庭經錦則給酒

羊七月七日祭杼監作六人

有府六人史十四人典事十二人掌國五人

掌冶署令一人正八品上丞二人正九品上掌范鎔金銀銅鐵及塗飾琉璃玉作銅鐵人得採而官收以稅唯鑠官市邊州不置鐵冶器用所須皆官供凡諸冶成器上數于少府監然後給之

監作二人

有府六人史十二人典事二十三人掌國四人

諸冶監令各一人正七品下丞各一人從八品上掌鑄兵農之器給軍士屯田居民唯興農冶額供隴右監牧監作四人

有錄事一人府二人史二人典事二人

掌國四人太原治減監作二人

諸鑄錢監監各一人副監各二人丞各一人以所在都督刺史判焉副監上佐丞以判司監事以參軍及縣尉為之監事各一人

事各一人府各三人史各四人典事各五人凡鑄錢有七監會昌中增至八監每道置鑄錢坊一夫中初三監廢矣

互市監每監監一人從六品下丞一人正八品下掌蕃國交易之事

監隸四方館唐隸少府貞觀六年改交市監曰互市監副監曰丞武后垂拱元年曰通市監有錄事一人府二人史四人僕人四人掌國八人

將作監監一人從三品少監二人從四品下掌土木工匠之政摠左



校右校中校甄官等署百工等監大明興慶上陽宮中書門下六軍仗舍閑廩謂之內作郊廟城門省寺臺監十六衛東宮王府諸廨謂之外作自十月距二月休治功自冬至距九月休土功凡治宮廟太常擇日以聞

丞四人從六品下掌判監事凡外營繕大事則聽制勅小事則

須省符功有長短役有輕重自四月距七月爲長功二月三月八

月九月爲中功自十月距正月爲短功長上匠州率資錢以酬雇

軍器則勒歲月與工姓名

武德初改令曰大匠少令曰少匠龍朔二年改將作監曰繕工監大匠曰大匠少匠曰少匠咸亨元年繕工監曰營繕

監天寶十一載改大匠曰大監少匠曰少監有府十四人史二十八人計史三人亭長四人掌固六人短蕃匠一萬二千七百四十四人明資匠二百六十八人

主簿二人從七品下掌官吏糧料俸食假使必由之諸司供署監

物有關舉焉錄事二人從九品上

左校署令二人從八品下丞一人正九品下掌梓匠之事樂縣篋篋

兵械喪葬儀物皆供焉宮室之制自天子至士庶有等差官脩

者左校爲之監作十人

有府六人史十二人監作十二人

右校署令二人正八品下丞三人正九品下掌版築塗泥丹堊

廁之事有所須則審其多少而市之監作十人有府五人史十人典事二十四人

中校署令一人從八品下丞三人正九品下掌供舟車兵械雜器

行幸陳設則供竿柱閑廐繫秣則供行槽禱祀則供棘葛內

外營作所須皆取焉監牧車牛有年支芻巨則受之以給車坊

監事四人武后時改曰營總署垂拱元年復舊尋廢開元初復置有府三人史六人典事八人掌固二人

甄官署令一人從八品下丞二人正九品下掌琢石陶土之事供石

磬人獸碑柱碾磴瓶缶之器勅葬則供明器監作四人有府五人史十人典事十八人

百工就谷庫谷斜谷太陰伊陽監監各一人正七品下副監一人

從七品下丞一人正八品上掌采伐材木監作四人武德初置百工監掌舟車及營造雜作有

監少監各一人丞四人主簿一人又置誠谷庫谷斜谷太陰伊陽五監貞觀中廢百工監高宗置百工署掌東都土木瓦石之功開元十五年為監有錄事一人府一人史三人典事二十八

軍器監監一人正四品上丞一人正七品上掌繕甲弩以時輸武庫

惣署二二曰弩坊二曰甲坊主簿一人正八品下錄事一人從九品

下武德初有武器監一人正八品下掌兵仗廢牧少監一人丞二人主簿一人七年廢軍器監八年復置九年又廢貞觀六年廢武器監開元以前軍器皆出右尚署三年置軍器

監十一年復廢為甲坊隸少府十六年復為監有府八人史十二人亭長二人掌學固四人

弩坊署令一人正八品下丞一人正九品下掌出納矛稍弓矢排弩

刃鍔雜作及工匠監作二人有府二人史五人典事二人貞觀六年改弓弩署為弩坊署甲鎗署為甲坊署

甲坊署令一人正八品下丞一人正九品下掌出納甲冑綬繩筋角

雜作及工匠監作二人有府二人史五人典事二人

都水監使者二人正五品上掌川澤津梁渠堰陂池之政摠河渠諸津

監署凡漁捕有禁漑田自遠始先稻後陸渠長斗門長節其多少

而均焉府縣以官督察

丞二人從七品上掌判監事凡京畿諸水因灌溉盜費者有禁水

入內之餘則均王公百官

主簿一人從八品下掌運漕漁捕程會而糾舉之武德初廢都水監為署貞觀六年復

為監改令曰使者龍朔二年改都水監曰司津監使者曰監武后垂拱元年改都水監曰水衡監使者曰都尉開元二十五年不隸將作監有錄事一人府五人史十人亭長一人掌學固四人初

貞觀六年置舟楫署有令一人正八品下掌舟楫運漕漕正一人府三人史六人監漕漕一人漕史二人典事六人掌學固八人上元二年置丞二人正九品下掌運漕隱失開元二十六年署廢

河渠署令一人正八品下丞一人正九品上掌河渠陂池隄堰魚醢之

事凡溝渠開塞漁捕時禁皆顯之鄉食宗廟則供魚鮫祀昊天上帝  
有司攝事則供腥魚日供尚食及給中書門下歲供諸司及東宮足  
冬藏渭河三百里內漁釣者五坊捕治之供祠祀則自便橋至東渭  
橋禁民漁三元日非供祠不採魚唐有河隄使者貞觀初改曰河隄謁者有府三人  
史六人典事三人每渠及斗門有長一人掌固三人  
凡六堰皆有丞一人從九品下府一人史二人典事二人掌固二人貞觀六年皆廢  
河隄謁者六人正八品下掌完隄堰利溝瀆漁捕之事涇渭白渠以  
京兆少尹一人督視

諸津令各一人正九品上丞二人從九品下掌天下津濟舟梁灞橋永  
濟橋以勳官散官一人莅之天津橋中橋則以衛士拊掃凡舟渠之  
備皆先擬其半秘塞竹箬所在供焉唐改津尉曰令有錄事一人府一人史二人典  
事三人津吏五人橋丁各三十八人匠各八人

京兆河南諸津隸都水監便橋渭橋萬年三橋有丞一人  
從九品下府一人史十人典事二人掌固二人貞觀中廢





百官志第三十九上

唐書四十九上

翰林學士兼龍圖閣學士朝散大夫給事中知制誥元史館脩撰臣歐陽脩奉

敕撰

十六衛

左右衛上將軍各一人從二品大將軍各一人正三品將軍各二人從三品掌宮禁宿衛凡五府及外府皆摠制焉凡五府三衛及折衝府驍騎番上者受其名簿而配以職皇帝御正殿則守諸門及內廂宿衛仗非上日亦將軍一人押仗將軍缺以中郎將代將軍掌貳上將軍之事左右驍衛左右武衛左右威衛左右領軍左右金吾左右監門衛上將軍以下品同

武德五年改左右翊衛曰左右衛府

左右驍騎衛曰左右驍騎府左右屯衛曰左右威衛左右禦衛曰左右領軍衛左右備身府曰左右府唯左右武衛府左右監門府左右儀衛府不改顯慶五年改左右府曰左右千牛府

龍朔二年左右衛府驍衛府武衛府皆省府字左右威衛曰左右武威衛左右領軍衛曰左右戎衛左右儀衛曰左右金吾衛左右監門府曰左右監門衛左右千牛府曰左右奉宸衛後

又曰左右千牛衛咸亨元年改左右戎衛曰領軍衛武后光宅元年改左右驍衛曰左右武威左右武衛曰左右鷹揚衛左右威衛曰左右豹韜衛左右領軍衛曰左右玉鈐衛貞元二年初置十六衛

上將軍左右衛有錄事一人府一人史二人亭長八人掌固四人

百官志第三十九上

長史各一人從六品上掌判諸曹五府外府稟祿卒伍軍團之名數器械車馬之多少小事得專達每歲秋贄大將軍考課錄事參軍事各一人正八品上掌受諸曹及五府之外府事句稽抄目印給紙筆

倉曹參軍事各二人正八品下掌五府文官勲考假使祿俸公

廩田園食料醫藥過所自倉曹以下同品

有府二人史四人兵曹府四人史七人騎曹府二人史四人

曹曹府三人史三人武后長安初改鎧曹曰曹曹中宗即位復舊曰先天元年又曰曹曹開元初諸衛司君司兵騎兵參軍改曰倉曹曹兵曹騎曹曹曹參軍事

兵曹參軍事各二人掌五府武官宿衛番第受其名數而大將

軍配焉

騎曹參軍事各一人掌外府雜畜簿帳牧養凡府馬承直以遠

近分七番月一易之以勅出宮城者給馬

冑曹參軍事各一人掌兵械公廩興繕罰謫大朝會行從則受

黃質甲鎧弓矢於衛尉

奉車都尉掌馭副車有其名而無其人大陳設則它官攝馭馬

都尉無定員與奉車都尉皆從五品下司階各二人正六品上中  
候各三人正七品下司戈各五人正八品下執戟各五人正九品  
下長上各二十五人從九品下

武后天授二年置諸衛司階  
中候司戈執戟謂之四色官

親衛之府一曰親府勳衛之府二一曰勳一府二曰勳二府翊衛  
之府二一曰翊一府二曰翊二府凡五府每府中郎將一人正四  
品下左右郎將一人正五品上親衛正七品上勳衛從七品上翊  
衛正八品上總四千九百六十三人兵曹參軍事各一人正九品  
上校尉各五人正六品上每校尉有旅帥二人從六品上每旅帥  
各有隊正二十人正七品上副隊正二十人正七品下五府中郎  
將掌領校尉旅帥親衛勳衛之屬宿衛者而總其府事左右郎將  
貳焉番上者以名簿上于大將軍而配以職武德貞觀世重資蔭  
二品三品子補親衛二品曾孫三品孫四品子職事官五品子若  
孫勳官三品以上有封及國公子補勳衛及率府親衛四品孫五  
品及上柱國子補翊衛及率府勳衛勳官二品及縣男以上散官

五品以上子若孫補諸衛及率府翊衛王府執仗親事執乘親事  
每月番上者數千人宿衛內廡及城門給稟食執扇三衛三百人

擇少壯肩膊齊儀容整美者本衛印臂送殿中省肄習仗下每番

三衛一人為太僕寺引輅其後入官路艱三衛非權執子弟輒退

番柱國子有白首不得進者流外雖鄙不數年給祿稟故三衛益

賤人罕趨之有錄事府一人史三人唐親衛勳衛置驃騎將軍車騎將軍翊衛置車

右以親衛曰一府勳衛翊衛曰二府謂之三府衛諸衛翊衛及率府親勳衛亦  
曰三衛永徽三年避太子諱改中郎將曰放責良郎將曰翊軍郎太子廢復舊

左右驍衛上將軍各一人大將軍各一人將軍各二人掌同左右

衛凡翊府之翊衛外府豹騎番上者分配之凡分兵守諸門在皇

城四面宮城內外則與左右衛分知助鋪長史各一人錄事參軍事

各一人舍曹參軍事各二人兵曹參軍事各二人騎曹參軍事各一

人胄曹參軍事各一人左右司階各一人左右中候各三人左右司

戈各五人左右執戟各五人左右翊中郎將府中郎將各一人左郎

將各一人右郎將各一人兵曹參軍事各一人校尉各五人旅帥各

十人隊正各二十人副隊正各二十人

有錄事一人史二人亭長二人掌固四人倉曹府二人史二人兵曹府三人史五人騎曹府二

人史四人曹曹府三人史三人左右翊中郎將府錄事一人府一人史二人

左右武衛上將軍各一人大將軍各一人將軍各二人掌同左右

衛凡翊府之翊衛外府熊渠番上者分配之長史各一人錄事參

軍事各一人倉曹參軍事各二人兵曹參軍事各二人騎曹參

軍事各一人曹曹參軍事各一人左右司階各二人左右中候各

三人左右司戈各五人左右執戟各五人長上各二十五人左右翊

中郎將府官同驍騎

有稱長二人錄事一人史二人亭長二人掌固四人倉曹府二人史四人兵曹府三人史五人騎曹府二人史四人曹曹府三人史三

人稱長掌唱警為應蹕之節

左右威衛上將軍各一人大將軍各一人將軍各二人掌同左右衛

凡翊府之翊衛外府羽林番上者分配之凡分兵主守則知皇城東面

助鋪長史各一人錄事參軍事各一人倉曹參軍事各二人兵曹

參軍事各二人騎曹參軍事各一人曹曹參軍事各一人左右司

階各二人左右中候各三人左右司戈各五人左右執戟各五人長



上各二十五人左右翊中郎將府官同驍衛

有錄事一人史二人亭長二人掌固四人倉曹府二人史四人兵曹

府三人史五人騎曹府二人史四人曹曹府三人史三人

左右領軍衛上將軍各一人大將軍各一人將軍各二人掌同左右衛凡翊府之翊衛外府射聲番上者分配之凡分兵主守則知皇城西面助鋪及京城苑城諸門長史各一人錄事參軍事各一人倉曹參軍事各二人兵曹參軍事各二人騎曹參軍事各一人曹曹參軍事各一人左右司階各二人左右中候各三人左右司戈各五人左右執戟各五人長上各二十五人左右翊中郎將府官同驍衛

有錄事一人史二人亭長二人掌固四人倉曹府二人史四人兵曹府三人史五人騎曹府二人史四人曹曹府三人史三人

左右金吾衛上將軍各一人大將軍各一人將軍各二人掌宮中

京城巡警烽候道路水草之宜凡翊府之翊衛及外府仗飛番上皆屬焉師田則執左右營之禁南衙宿衛官將軍以下及千牛番上者皆配以職大功役則與御史循行凡敝幕故氈以給病坊兵曹參軍事掌翊府外府武官兼掌獵師

騎曹參軍事掌外府雜畜簿帳牧養之事

冑曹參軍事掌同左右衛大朝會行從給青龍旗襍稍於衛尉長史各一人錄事參軍事各一人倉曹參軍事各二人兵曹參軍事各二人騎曹參軍事各一人冑曹參軍事各一人左右司階各二人左右中候各三人左右司戈各五人左右執戟各五人左右街使各一人判官各二人左右翊中郎將府官如驍衛錄

事一人史二人倉曹府二人史四人兵曹府三人史五人騎曹府二人史四人冑曹府三人史三人左右街典二人引駕伏三篇六人引駕伏飛六十六人大角手六百人隋有察非椽至唐廢

左右翊中郎將府中郎將掌領府屬督京城左右六街鋪巡警以果毅二人助巡探入閤日中郎將一人升殿受狀衛士六百爲大角手六番閱習吹大角爲昏明之節諸營壘候以進退

左右街使掌分察六街徼巡凡城門坊角有武候鋪衛士曠騎分守大城門百人大鋪三十人小城門二十人小鋪五人日暮鼓八百聲而門閉乙夜街使以騎卒循行詔譟武官暗探五更二點鼓自內發諸街鼓承振坊市門皆啓鼓三千槓辨色而止

左右監門衛上將軍各一人大將軍各一人將軍各二人掌諸門  
禁衛及門籍文武官九品以上每月送籍於引駕仗及監門衛衛  
以帳報內門凡朝參奏事待詔官及織扇儀仗出入者閱其數以  
物貨器用入宮者有籍有傍左監門將軍判入右監門將軍判出  
月一易其籍行幸則率屬於衙門監守

長史掌判諸曹及禁門巡視出入而司其籍傍餘同左右衛  
兵曹參軍事兼掌倉曹冑曹兼掌騎曹

左右胡中郎將府中郎將掌涖宮殿城門皆左入右出中郎將各  
四人長史各一人錄事參軍事各一人兵曹參軍事各一人冑曹  
參軍事各一人

有錄事二人史二人亭長二人掌固二人兵曹府三人史五人冑曹府  
三人史四人監門校尉三百二十人直長六百八十八人長八長上二十人  
直長長上二十人監門校尉掌叙  
出入唐改監門府郎將為將軍

左右千牛衛上將軍各一人大將軍各一人將軍各二人掌侍衛及  
供御兵仗以千牛備身左右執弓箭宿衛以主仗守戎器朝日領  
備身左右外殿列侍親射則率屬以從

曹曹參軍事掌甲仗凡御仗之物二百一十有九羽儀之物三百  
自千牛以下分掌之上日執御弓箭者亦自備以入宿主仗每月  
上則配以職行從則兼騎曹中郎將各二人長史各一人錄事參  
軍事各一人兵曹參軍事各一人曹曹參軍事各一人唐改備身郎  
將曰將軍備  
身將曰中郎將千牛左右備身左右曰千牛備身初置備身主仗有錄事一人史二人亭  
長二人掌固四人兵曹府一人史二人曹曹府一人史一人千牛備身十二人備身左右十二人  
備身一百人主仗一百五十人千牛備身掌執御刀服花鈿繡衣綠執象笏宿衛  
侍從備身左右掌執御弓矢宿衛侍從備身掌宿衛侍從主仗掌守供衛兵仗

人承傳聲不下聞者中郎將宣告

諸衛折衝都尉府每府折衝都尉一人上府正四品上中府從  
四品下下府正五品下左右果毅都尉各一人上府從五品下  
中府正六品上下府正六品下別將各一人上府正七品下中  
府從七品上下府從七品下長史各一人上府正七品  
下中府從七品上下府從七品下兵曹參軍事各一人

上府正八品下中府正九品下下府從九品上校尉五人從七品  
下旅帥十人從八品上隊正二十人正九品下副隊正二十人從九  
品下折衝都尉掌領屬備宿衛師役則摠戎具資糧點習以  
三百人為團一校尉領之捉鋪持更者晨夜有行人必問不應  
則彈弓而嚮之復不應則旁射又不應則射之晝以排門人遠  
望暮夜以持更人遠聽有眾而囂則告主帥

左右果毅都尉掌貳都尉

每府有錄事一人府一人史二人兵曹府二人史三  
人每隊正領兵五十人武德元年改鷹馬揚郎將曰

軍頭正四品下鷹馬擊郎將曰府副正五品上馬曰長史正八品下校尉正六品下旅帥正七  
品下廢越騎步兵二校尉及察非祿又改軍頭曰驃騎將軍府副曰車騎將軍皆為府諸  
率府置驃騎將軍五人車騎將軍十人二年以車騎將軍府隸驃騎府置十二軍分關內諸  
府皆隸焉每軍將軍一人副一人至六年廢七年改驃騎將軍府為統軍府車騎將軍為  
別將八年復置十二軍貞觀十年改統軍府曰折衝都尉別將曰果毅都尉軍坊置坊主一  
人檢校戶口勸課農桑以本坊五品勳官為之三輔及近畿州都督府皆置府凡六百三十  
三永徽中廢長史置司馬一人總司兵司騎二局武后垂拱中以千二百人為上府千人為中府  
八百人為下府赤縣為赤府畿縣為畿府聖曆元年廢司馬置長史兵曹參軍事又有  
別將一人從六品下居果毅都尉之次其後分左右各一人尋廢久之復置一人降其品開  
元初備士為武士諸衛折衝果毅別將擇有行者為展仗押官右羽林軍十五人左羽林  
軍二十五人衣服同色諸衛有弩手左右驍衛各八十五人餘衛各八十三人

左右羽林軍大將軍各一人正三品將軍各三人從三品掌統北



衙禁兵督攝左右廂飛騎儀仗大朝會則周衛階陛巡幸則夾  
馳道爲內仗凡飛騎番上者配其職有勅上南衙者大將軍承  
墨勅白移於金吾引駕仗官與監門奏覆降墨勅然後乃得入  
長史各一人從六品上錄事參軍事各一人正八品上倉曹參軍  
事各一人兼總騎曹事兵曹參軍事各一人胄曹參軍事各一人  
自倉曹參軍以下皆正八品下司階各二人正六品上中候各三人  
正七品下司戈各五人正八品上執戟各五人正九品下長上各十  
人左右翊衛中郎將府中郎將一人正四品下左右中郎一人左  
右郎將一人皆正五品上兵曹參軍事一人正九品上校尉五人  
旅帥十人隊正二十人副隊正二十人

府史各二人左右翊中郎將府錄事一人府一人史  
二人倉曹參軍兵曹各府二人史四人胄曹府史各二人

有錄事一人史二人亭長二人掌學固四  
人倉曹參軍各府二人史四人胄曹

左右龍武軍大將軍各一人正二品統軍各一人正三品將軍三

人從三品掌同羽林長史錄事參軍事倉曹參軍事兵曹參

軍事胄曹參軍事各一人司階各二人中候各三人司戈執戟各

五人長上各十人

景雲元年置龍武將軍興元元年六軍各置統軍貞元三年龍武軍增將軍一員有錄事一人史二人亭長二人掌固四人

倉曹府二人史四人兵曹府二人史四人曹曹府史各二人

左右神武軍大將軍各一人正二品統軍各一人正三品將軍三

人從三品摠衙前射生兵長史錄事參軍事倉曹參軍事兵

曹參軍事曹曹參軍事各一人司階各二人中候各三人司戈執

戟各五人長上各十人

有錄事一人史二人倉曹兵曹曹曹府史日如神武軍開元二十六年分羽林置左右神武軍尋廢至德二年復置

左右神策軍大將軍各一人正二品統軍各二人正三品將軍各

四人從三品掌衛兵及內外八鎮兵護軍中尉各一人中護軍

各一人判官各三人都勾判官二人勾覆官各一人表奏官各一

人支計官各一人孔目官各二人驅使官各二人自長史以下員

數如龍武軍

左右龍武左右神武左右神策號六軍貞元三年神策軍置大將軍將軍十四年置統軍品秩同六軍始殿前左右神威軍有大將軍二人

正二品統軍二人從三品將軍二人從五品元和初為一軍號天威軍八年廢以軍隸神策有馬軍步軍將軍及指揮使等以馬軍大將軍知軍事天復三年廢神策軍四年復置神策軍

### 東宮官

太子太師太傅太保各一人從一品掌輔導皇太子每見迎拜

殿門三師荅拜每門必讓三師坐太子乃坐與三師書前名惶恐後名惶恐再拜太子出則乘路備鹵簿以從

少師少傅少保各一人從二品掌曉三師德行以諭皇太子奉太

子以觀三師之道德自太師以下唯其人不必備先天元年開府置今水各一人隸詹事府尋廢

太子賓客四人正三品掌侍從規諫贊相禮儀宴會則上齒侍

讀無常自掌講道守經學貞觀十八年以宰相兼賓客開元中定負四人太

或否開元初十王宅引辯學二書者入教亦為侍讀

詹事府太子詹事一人正三品少詹事一人正四品上掌統三寺

十率府之政少詹事為之貳皇太子書稱令庶子以下署名奉

行書案畫日丞二人正六品上掌判府事知文武官簿假使凡勅

令及尚書省二坊符牒下東宮諸司者皆發焉

主簿一人從七品上錄事二人正九品下隋廢詹事府武德初復置龍朔二年曰端尹府詹事曰端尹少詹事曰

少尹武后光宅元年改曰宮尹府詹事曰宮尹少詹事曰小尹有今史九人書今史十八人

司直二人正七品上掌糾劾官寮及率府之兵皇太子朝則分知

東西班監國則詹事庶子為三司使司直一人與司議郎舍人分日

受理啓狀太子出則分察國簿之內有令史一人書令史二人亭長四人掌國六人

左春坊左庶子二人正四品上中允二人正五品下掌侍從贊相駁

正啓奏摠司經典膳藥藏內直典設宮門六尚皇太子出則版奏

外辦中嚴入則解嚴凡令書下則與中允司議郎等畫諾覆審

留所畫以為案更寫印署注今諾送詹事府

司議郎二人正六品上掌侍從規諫駁正啓奏凡皇太子出入朝

謁從祀釋奠講學監國之命可傳於史冊者錄為記注官坊祥告

官長除拜薨卒歲終則錄送史館

左諭德一人正四品下掌諭皇太子以道德隨事諷贊皇太子朝

官臣則列侍左階出入騎從

左贊善大夫五人正五品上掌傳令諷過失贊禮儀以經教授

諸郡王錄事二人從八品下主事三人從九品下隋有內允武德三年改曰中舍人諱門下坊貞觀初

日中九十八年置司議郎永徽三年避皇太子名復改中允曰內允太子立廢復舊諱龍朔二年改門下坊曰左春坊左庶子曰左中護中允曰左贊善大夫司議郎分左右置左右諭德各一人

咸亨元年皆復舊司議郎不分左右其後詔德廢而司議郎復分儀鳳四年置左右贊善大夫各十人以同姓為之景雲二年始兼用庶姓改門下坊曰左春坊復置詠德庶子以比侍中中允以比門下侍郎司議郎以比給事中贊善大夫以比諫議大夫詠德以比散騎常侍右坊則庶子以比中書令中舍人以比中書侍郎太子監國則庶子以尚書令有令史六人書令史十二人傳令四人掌儀二人贊者三人亭長三人掌固十人

崇文館學士二人掌經籍圖書教授諸生課試舉送如弘文館

校書郎二人從九品下掌校理書籍貞觀十三年置崇賢館顯慶元年置學生二十人上元二年避太子名改

曰崇文館有學士直學士及隸校皆無常員無其人則庶子領館事開元七年改隸校曰校書郎乾元初以宰相為學士總館事貞元八年隸左春坊有館生十五人書直一人令史二人書令史二人典書二人搨書手二人楷書手十人熟紙紙匠二人裝潢匠二人筆匠一人

司經局洗馬二人從五品下掌經籍出入侍從圖書上東宮者皆受而藏之

文學三人正六品下分知經籍侍奉文章

校書四人正九品下正字二人從九品上掌校刊經史唐改太子正書曰正字龍朔三年改司

經局曰桂坊罷隸左春坊領崇賢館比御史臺以詹事一人為令比御史大夫司直二人比侍御史以洗馬為司經大夫置文學四人錄事一人正九品下三年改司經大夫曰桂坊大夫糾正違失咸亨元年復隸左春坊省錄事有書令史二人書史二人典書四人楷書二十五人掌固六人裝潢匠二人熟紙匠筆匠各二人

典膳局典膳郎二人從六品下丞二人正八品上掌進膳嘗食丞



為之貳每夕更直於廚

龍朔二年改典膳監曰典膳郎有書令史二人書吏四人主食六人典食二百人掌固四人

藥藏局藥藏郎二人從六品下丞二人正八品上掌和醫藥丞

為之貳皇太子有疾侍醫詠候議方藥將進宮臣泣嘗如尚藥

局之職

有書令史一人書吏二人侍醫四人典藥二人藥童六人掌固四人

內直局內直郎二人從六品下丞二人正八品下掌符璽衣服徽

扇几案筆硯垣牆

龍朔二年改監曰內直郎副監曰丞有令史一人書吏三人典服十人典扇八人典翰八人掌固六人武德中有典璽四人開元中廢

典設局典設郎四人從六品下丞二人正八品下掌湯沐燈燭汛

掃鋪設凡皇太子散齋別殿致齋正殿前一日設幄坐于東序

及室內張帷前楹

龍朔二年改齋帥局曰典設局齋帥曰郎有書令史二人書吏四人幕士二百四十五人掌固十二人

宮門局宮門郎二人從六品下丞二人正八品下掌宮門管簪凡

夜漏盡擊漏鼓而開夜漏上水一刻擊漏鼓而閉歲終行讎

則先一刻而啟皇太子不在則闔正門還仗如常凡宮中明時不

鼓

龍朔三年改宮門監曰宮門郎有書令史一人書吏二人門僕百人掌固四人

右春坊右庶子二人正四品下中舍人二人正五品下掌侍從獻

納啓奏中舍人爲之貳皇太子監國下今書則晝日至春坊則庶子宣傳中舍人奉行

太子舍人四人正六品上掌行令書表啓諸臣上皇太子大事以牋小事以啓其封題皆上右春坊通事舍人以進

通事舍人八人正七品下掌導官臣辭見承令勞問右諭德一人

右贊善大夫五人錄事一人主事二人品皆如左春坊隋內舍人諱典書坊武德初改

日中舍人管記舍人曰太子舍人永徽元年避太子名復改中舍人曰內舍人龍朔二年改典書坊曰右春坊右庶子曰右中議中舍人曰右贊善大夫舍人曰右司議郎有令史九人書今史十八人傳今四人典

家令寺家令一人從四品上掌飲膳倉儲摠食官典倉司藏三

署皇太子出入則乘輅車爲導祭祀賓客則供酒食賜予則奉

金玉衣幣凡牀几茵席器物非取於將作少府者皆供焉丞二人

從七品下掌判寺事凡三署出納皆刺於詹事莊宅田園審肥

瘠爲收斂之數宮朝坊府土木營繕則下於司藏主簿一人正

九品下唐改司府令曰家令龍朔二年改家令寺曰官府寺家令曰大夫有錄事一人府十人史二十人亭長四人掌固四人雜匠百人

食官署令一人從八品下丞二人從九品下掌飲膳酒醴凡四時  
供送設食皆額焉供六品以下元日寒食冬至食於家令廚者府有

二人史四人掌膳四人供膳百四十人奉解三十人

典倉署令一人從八品下丞二人從九品下掌九穀醢醢庶羞器  
皿燈燭凡園圃樹藝皆受令焉每月籍出納上於寺歲終上詹

事府給戶奴婢番戶雜戶資糧衣服

有府三人史五人  
國丞二人史二人

司藏署令一人從八品下丞二人從九品下掌庫藏財貨出納

營繕

有府三人史  
四人計史一人

率更寺令一人從四品上掌宗族次序禮樂刑罰及漏刻之  
政太子釋奠講學齒冑則摠其儀出入乘輶車為導居家令  
之次坊寺府有罪者論罰庶人杖以下皆送大理皇太子未立  
判斷於大理

丞一人從七品上掌貳令事官臣有犯理於率更者躬問蔽罪而  
上於詹事

主簿一人正九品下掌印句凡宗族不序禮儀不節音律不諧漏刻不審刑名不法皆舉而正之使囚則與丞同泣

龍朔二年改曰司更寺令曰司更大夫有錄事

一人府三人史四人漏刻博士三人掌漏六人漏童二十人典鐘典鼓各十二人亭長四人掌固四人漏刻博士掌鼓漏刻

僕寺僕一人從四品上掌車輿乘騎儀仗喪葬摠廢牧署太子

出則率廢牧令進路親馭

丞一人從七品上掌判寺事凡馬畜芻粟歲以季夏上於詹事

以時出入而節其數

主簿一人正九品下掌廢牧畜養車騎駕馭儀仗

龍朔二年改曰馭僕寺僕曰大夫有

進馬十一人錄事一人府三人史五人亭長三人掌固三人

廢牧署令一人從八品下丞二人從九品下掌車馬閑廢牧畜皇

太子出則率典乘先期習路馬率駕士馭車乘既出進路式路車

於西閭外南向以俟凡羣牧隸東宮者皆受其職事典乘四人

從九品下

有府三人史六人翼馭十人駕士十五人掌開六百人獸醫十人主酪三十人翼馭掌調馬執馭

太子左右率府率各一人正四品上副率各二人從四品上掌兵

仗儀衛凡諸曹及三府外府皆隸焉元日冬至皇太子朝宮臣諸

方使則率衛府之屬為衛每月三府三衛及五府超乘番上者

配以職武德五年改左右侍率曰左右衛率府左右武侍衛率曰左右宗衛率府左右

官門刑曰左右監門率府龍朝二年改左右衛率府曰左右典戎衛左右宗衛率

府曰左右司禦率府左右虞候率府曰左右清道衛左右內率府曰左右奉裕衛左右監

門率府曰左右宗衛率府左右清道衛曰左右虞候率府景雲二年左右宗

衛府復曰左右司禦率府開元初左右虞候率復曰左右清道率府

長史各一人正七品上掌判諸曹府季秋以屬官功狀上於率

而為考課

錄事參軍事各一人從八品上倉曹參軍事兵曹參軍事胄曹

參軍事騎曹參軍事各一人從八品下倉曹掌文官簿書兵

曹掌武官簿書胄曹掌器械公廨營繕司皆各一人從六

品上中候各二人從七品下司戈各二人從八品上執戟各三人

散長上各十人從九品下左右司禦清道監門內率府自率以

下品同有錄事一人府一人史一人倉曹府一人史二人兵曹胄曹

親府勳府翊府三府每府中郎將各一人從四品上左右郎將各

各府二人史三人騎曹府五人史七人亭長掌園各二人



一人正五品下中郎將郎將掌其府校尉旅帥及親勳翊衛之屬宿衛而摠其事

兵曹參軍事各一人從九品上掌判句大朝會及皇太子出則從鹵簿而涖其儀親衛從七品上勳衛正八品上翊衛從八品上負皆止校尉各五人從六品上旅帥各十人正七品下隊正各二十人從八品上

武德元年改功曹曰親衛義曹曰勳衛良曹曰翊衛置三府有錄事一人府史各二人

太子左右司禦率府率各一人正四品上副率各二人從四品上掌同左右衛凡諸曹及外府旅賁番上者隸焉長史各一人正七品上錄事參軍事各一人從八品上倉曹參軍事兵曹參軍事胄曹參軍事騎曹參軍事各一人從八品下司階各二人中候各二人司戈各二人執戟各三人親衛勳衛翊衛三府中郎將以下如左右衛率府

有錄事一人史二人倉曹府一人史二人兵曹府二人史三人胄曹府史各二人亭長一人掌固二人

太子左右清道率府率各一人副率各二人掌書晝夜巡警凡諸曹及外府直盪番上者隸焉皇太子出入則以清游隊先導後拒

隊爲殿長史各一人錄事參軍事各一人從八品上倉曹參軍事

兵曹參軍事冑曹參軍事各一人從八品下左右司階各一人

左右中候各二人左右司戈各一人左右執戟各三人親衛勳衛

翊衛三府中郎將以下如左右衛率府有錄事一人史二人亭長二人掌固二人倉曹府一人史二人兵曹府二人

史三人冑曹府二人史二人細引押仗五十八人

太子左右監門率府率各一人副率各二人掌諸門禁衛凡財物

器用出者有籍長史各一人錄事參軍事各一人正九品上兵曹

參軍事各一人正九品下兼領倉曹冑曹參軍事各一人正九品

下監門直長七十八人從七品下唐改宮門將曰監門率直事曰直長有錄事一人史二人亭長一人掌固二人兵曹府二人史二人冑曹府二人史三人

太子左右內率府率各一人副率各一人掌千牛供奉之事皇

太子坐日領千牛升殿射于射宮則千牛奉弓矢立東階西面

率奉弓副率奉矢決拾北面張弓左執附右執簫以進副率以

弓拂矢而進各退立於位既射左內率啓其中否長史各一人錄

事參軍事各一人正九品上兵曹參軍事各一人正九品下兼領倉  
曹曹曹參軍事各一人正九品下千牛各四十四人從七品上唐置  
改司使左右復曰千牛備身主射左右復曰備身左右弓箭備身去弓箭之名龍朔二年改  
千牛備身曰奉裕開元中千牛備身備身左右并爲千牛有備身二十八人主仗四十人錄  
事一人史二人兵曹府一人  
史二人曹曹府一人史二人

百官志第三十九上



百官志第三十九下

唐書四十九下

翰林學士兼龍圖閣學士朝散大夫給事中知制誥充史館脩撰臣歐陽脩奉

敕撰

王府官

傅一人從三品掌輔正過失諮議參軍事一人正五品上掌訂謀  
議事友一人從五品下掌侍游處規諷道義侍讀無定員文學  
一人從六品上掌校典籍侍從文章東西閣祭酒各一人從七品上

掌禮賢良道守賓客

自祭酒以下為王官武德中置師一人常侍二人侍郎四人皆掌表啓書疏贊相禮儀舍人四人掌通傳引納謁者

二人舍人二人諮議參軍事友皆正五品下文學祭酒皆正六品下高宗中宗時相王府長史以字相兼之魏雍衛王府以尚書兼之徐韓二王為刺史府官同外官資望愈下永淳以前王未出閣則不開府天授二年置皇孫府官玄宗諸子多不出閣王官益輕一而負亦減之天宗景雲二年改師曰傅開元二年廢尋復置廢常侍侍郎謁者舍人開成元年改諸王侍讀曰奉諸

王講讀大中初復舊

長史一人從四品上司馬一人從四品下皆掌統府僚紀綱職務

掾一人掌通判功曹倉君曹戶曹事屬一人皆正六品上掌通判

兵曹騎曹法曹士曹事主簿一人掌覆省書教記室參軍事



二人掌表啓書疏錄事參軍事一人皆從六品上掌付事句稽省  
 署鈔目錄事一人從九品下功曹參軍事掌文官簿書考課陳  
 設倉曹參軍事掌祿稟廚膳出内帑易畋漁芻葦其冢戶曹參軍  
 事掌封戶僮僕弋獵過所兵曹參軍事掌武官簿書考課儀衛  
 假使騎曹參軍事掌殿牧騎乘文物器械法曹參軍事掌按訊決  
 刑士曹參軍事掌土功公廨自功曹以下各一人正七品上參軍事  
 二人正八品下行參軍事四人從八品上皆掌出使雜檢校典籤二  
 人從八品下掌宣傳書教武德中改功曹以下書佐法曹行書佐士曹自佐比曰  
 參軍事長兼行書佐曰行參軍廢城局參軍事  
 又有鎧曹參軍事二人掌儀衛兵仗田曹參軍事一人掌公廨職田弋獵水曹參軍事二  
 人掌舟船漁捕芻草皆正七品下家吏二人百司問事謁者一人正七品下司閤一人正九品  
 下貞觀中廢鎧曹田曹水曹武后時家吏以下皆廢主簿記室有史二人錄事功曹倉  
 曹兵曹騎曹注曹士曹各府一人史二人戶曹府史各二人自典籤以上為府官郡王嗣王  
 不置  
 長史

親事府典軍二人正五品上副典軍二人從五品上皆掌校尉以下  
 守衛陪從兼知鞍馬校尉五人從六品上旅帥從七品下隊正從  
 八品下隊副從九品下皆掌領事帳内陪從自旅帥以下視親事

多少乃置帳內府典軍二人正五品上副典軍二人從五品上自

校尉以下員品如親事府

初典軍以武官及流外為之領執仗帳內等秦王齊王府置左右六護軍府左右親軍府左右帳內府左

一右一護軍府護軍各一人副護軍各二人長史錄事參軍事倉曹兵曹鎧曹參軍事各一人統軍各五人別將各一人左右二護軍府左右三護軍府減統軍三人別將六人左右

親軍府統軍各一人長史各一人錄事參軍事兵曹鎧曹參軍事左別將右別將各一人內府職負與護軍府同又有庫直隸親事府馳逐直隸帳內府選材勇為之貞觀中

庫直以下皆廢親事府有府一人史二人執仗親事十六人執弓仗執乘親事十六人掌供騎乘親事三百三十人帳內府有府一人史二人帳內六百六十七人

親王國令一人從七品下大農一人從八品下掌判國司尉一人正

九品下丞一人從九品下學士官長丞各一人掌教授內人食官長

丞各一人掌營膳食廩牧長丞各二人掌畜牧典府長丞各二

人掌府內雜事長皆正九品下丞皆從九品下

有典衛八人掌守衛陪從舍人只錄事一人府四人史八人

公主邑司令人從七品下丞一人從八品下掌公主財貨粟積

田園主簿一人正九品下錄事一人從九品下督封租主家財貨出

入有史八人調者二人舍人二人家史二人

外官

天下兵馬元帥副元帥都統副都統行軍長史行軍司馬行軍

左司馬行軍右司馬判官掌書記行軍參謀前軍兵馬使中軍兵馬使後軍兵馬使中軍都虞候各一人元帥都統招討使掌征

伐兵罷則省都統總諸道兵馬不賜旌節高祖起兵置左右領軍大都督各總三軍及定京師置左

右元帥太原道行軍元帥西討元帥皆親王領之天寶末置天下兵馬元帥建中四年以李希烈反河北平盧節度使招討都統之名始於此大曆八年罷天下兵馬元帥

置諸軍行營兵馬都元帥興元元年置副都統會昌中置靈夏六道元帥黃巢之難置諸道行營都統天福二年置諸道兵馬元帥尋復改曰天下兵馬元帥

行軍司馬掌弼戎政居則習蒐狩有役則申戰守之法器械糧

糒軍籍賜予皆專焉武德元年改贊治曰治中高宗即位曰司馬下州亦置焉顯慶二年置洛州司馬武后大足元年東都北都雍荆

揚益州置左右司馬神龍二年省太極元年雍洛四大都督府增司馬一人亦分左右

掌書記掌朝覲聘問慰薦祭祀祈祝之文與號令并絀之事

行軍參謀關豫軍中機密景龍元年置掌書記開元十二年罷行軍參謀尋復置

節度使副大使知節度事行軍司馬副使判官支使掌書記

推官巡官衙推各一人同節度副使十人館驛巡官四人府院

法直官要籍逐要親事各一人隨軍四人節度使封郡王則有

奏記一人兼觀察使又有判官支使推官巡官衙推各一人又兼

安撫使則有副使判官各一人兼支度營田招討經略使則有副使判官各一人支度使復有遣運判官巡官各一人節度使掌總軍旅顛誅殺初授具帑抹兵仗詣兵部辭見觀察使亦如之辭日賜雙旌雙節行則建節樹六毒縣中官祖送次一驛輒上聞入境州縣築節樓迎以鼓角衙仗居前旌幢居中大將鳴珂金鉦鼓角居後州縣齎印迎于道左視事之日設禮案高尺有二寸方八尺判三案節度使判宰相觀察使判節度使團練使判觀察使三日洗印視其刑缺歲以八月考其治否銷兵爲上考足食爲中考邊功爲下考觀察使以豐稔爲上考省刑爲中考辦稅爲下考團練使以安民爲上考懲姦爲中考得情爲下考防禦使以無虞爲上考清苦爲中考政成爲下考經略使以計度爲上考集事爲中考脩造爲下考罷秩則交廳以節度使印自隨留觀察使營田等印以郎官主之鑠節樓節堂以節院使主之祭奠以時入朝未見不入私第京兆河南牧大都督

大都護皆親王遙領兩府之政以尹主之大都督府之政以長史主之大都護府之政以副大都護主之副大都護則兼王府長史其後有持節為節度副大使知節度事者正節度也諸王拜節度大使者皆留京師

觀察使副使支使判官掌書記推官巡官衙推隨軍要籍進奏官各一人

團練使副使判官推官巡官衙推各一人

防禦使副使判官推官巡官各一人觀察處置使掌察所部善

惡舉大綱凡奏請皆屬於州貞觀初遣大使十三人巡省天下諸州水旱則遣使有巡察安撫存撫之名神龍二年以五品以上

二十人為十道巡察使按舉州縣再周而代景雲二年置都督二十四人察刺史以下善惡置司舉從事二人秩比侍御史揚益并荆四州為大都督并充魏黃蒲綿秦洪潤越十

州為中都督皆正三品齊鄭涇襄安潭遂通梁夔十州為下都督皆從三品當時以為權重難制罷之唯四大都督府如故置十道按察使道各一人開元二年曰十道按察採訪使置使至

四年罷八年復置十道按察使秋冬巡視州縣十年又罷十七年復置十道京師兩畿按察使二十年曰採訪使置使分十五道天寶末又兼黜陟使乾元元年改曰觀察處置使

西都東都北都牧各一人從二品西都東都北都鳳翔成都河中

江陵興元興德府尹各一人從三品掌宣德化歲巡屬縣觀風俗



錄囚恤鰥寡親王典州則歲以上佐巡縣

武德元年雍州置拔一人以親王為之然常以別駕領州事永徽中改尹

曰長史初太宗伐高麗置京城留守其後車駕不在京都則置留守以右金吾大將軍為副留守開元元年改京兆河南府長史復為尹通判府務牧餼則行其事十一年太原府亦置尹及少尹以尹為留守少尹為副留守謂之三都留守三都大都叔自府有典獄十八人問事十二人白直二十四人典獄以防守囚繫問事以行罰中府上州典獄十四人問事八人白直二十人下府中州典獄十二人問事六人白直十六人下州典獄八人問事四人白直十六人自三都以下皆有執刀十五人

少尹二人從四品下掌貳府州之事歲終則更次入計

司錄參軍事二人正七品上錄事四人從九品上功曹倉曹戶曹

田曹兵曹法曹士曹參軍事各二人皆正七品下參軍事六人正

八品下六府錄事參軍事以下減一人錄事參軍事掌正違失莅

符印

武德初改州主簿曰錄事參軍事開元年改曰司錄有史十八大都督府有史四人中府有史三人下府都護府上州中州下州各有史二人

功曹司功參軍事掌考課假使祭祀禮樂學校表疏書啓祿食

祥異醫藥卜筮陳設喪葬

武德初司功司倉司戶司兵司法司土書佐比日為司功等參軍事有府四人史十八大都督有府三人史

六人中府有府二人史三人下府有府一人史三人大都護府有府一人史二人上府有府史各二人上州有佐二人史五人中州減史二人

倉曹司倉參軍事掌租調公解庖廚倉庫市肆

有府五人史十三人大都督府有府四人史六人

中府下府各有府三人史五人都護府有府史各二人上州有佐二人史五人中州下州減史二人

戶曹司戶參軍事掌戶籍計帳道路過所蠲符雜徭逋負良賤

芻蕘蒙逆旅婚姻田訟旌別孝悌有府八人史十六人帳史二人知籍按帳目捉錢大都督府有府四人史七人帳史二人中

府有府三人史五人帳史二人下府有府二人史五人帳史一人上州有佐四人史六人帳史一人中州有佐三人史五人帳史一人下州有佐二人史四人帳史一人都護府有府史各二人帳史二人

田曹司田參軍事掌園宅口分永業及蔭田景龍三年初置司田參軍事唐隆元年省上元二年復置有

府四人史十大都督府有府二人史六人中府有府史各二人下府有府一人史二人上州有佐二人史五人中州下州減史二人

兵曹司兵參軍事掌武官選兵甲器仗門禁管鑰軍防烽候

傳驛收胤有府六人史十四人大都督有府四人史八人中府有府三人史六人下府有府二人史五人都護府有府三人史四人上州有佐二人史五人中州減史二人

法曹司法參軍事掌鞠獄麗法督盜賊知贓賄没入有府六人史十四人大都督有府

三人史八人中府有府三人史六人下府有府二人史五人上州有佐四人史七人中州有佐一人史四人下州有佐一人史三人

士曹司士參軍事掌津梁舟車舍宅工藝有府五人史十一人大都督府有府四人史八人中府下府有府

三人史六人上州有佐三人史五人中州有佐一人史四人

參軍事掌出使贊導武德初改行書佐曰行參軍尋又改曰參軍事初有使使十五人後省

文學一人從八品上掌以五經授諸生縣則州補州則授於吏部然

無職事衣冠恥之武德初置經學博士助教學生德宗即位改博士曰文學子元和六年廢中州下州文學子京兆等三府助教二人學子八十大都督

府上州各助教一人中都督府學  
生五十人下府下州各四十人

醫學博士一人從九品上掌療民疾

貞觀三年置醫學博士有醫藥博士及學生開元元年改醫藥博士為

醫學博士諸州置助教寫本草百一集驗方藏之未幾醫學博士學生皆省僻州少醫藥者如故二十七年復置醫學學生掌州境巡療永泰元年復置醫學博士三都

都督府上州中州各有助教一人三都學生二十人都督府上州二十八中州下州十八

大都督府都督一人從二品長史一人從三品司馬二人從四品

下錄事參軍事一人正七品上錄事二人從九品上功曹參軍事

倉曹參軍事戶曹參軍事田曹參軍事兵曹參軍事法曹參

軍事士曹參軍事各一人正七品下參軍事五人正八品下市令

一人從九品上文學一人正八品下醫學博士一人從八品上中都

督府都督一人正三品別駕一人正四品下長史一人正五品上

司馬一人正五品下錄事參軍事一人正七品下錄事二人從九

品上功曹參軍事倉曹參軍事戶曹參軍事田曹參軍事兵

曹參軍事法曹參軍事士曹參軍事各一人從七品上參軍

事四人從八品上市令一人從九品上文學一人從八品上醫學

博士一人正九品上下都督府都督一人從三品別駕一人從四

品下長史一人從五品上司馬一人從五品下錄事參軍事一人

從七品上錄事二人從九品上功曹參軍事倉曹參軍事戶曹

參軍事田曹參軍事兵曹參軍事法曹參軍事士曹參軍事各

一人從七品下參軍事三人從八品下文學一人從八品下醫學生博

士一人正九品上都督掌督諸州兵馬甲械城隍鎮戍糧稟摠判

府事武德初邊要之地置總管以統軍加號使持節蓋漢刺史之任有行臺有大行臺

其負有尚書省令一人正三品掌管内兵民總判省事有僕射一人從二品掌手貳令事

自左右丞以下諸司郎中略如京省又有食貨監一人丞三人掌膳羞財物賓客帳具音樂醫

藥有農園監一人丞四人掌倉廩采園圃薪炭芻藁葶運漕有武器監又丞二人掌兵械廩牧

有百工監一人丞四人掌舟車營作監皆正八品下丞正九品下七年改總管曰都督摠十州者為大

都督自觀二年去大字凡都督府有刺史以下如故然大都督又兼刺史而不檢校州事其後

都督加使持節則為將諸將亦通以都督稱唯朔方猶稱大揔管邊州別置經略使武

有屯田之州則置營田使武后聖曆元年以夏州都督領鹽州防禦使及安祿山反諸郡當職

衝者皆置防禦守捉使乾元元年置團練守捉使都團練守捉使大者領州十餘小者二

三州代宗即位廢防禦使唯山南西道如故元載秉政思結人心刺史皆得兼團練守捉使

揚州為相羅團練守捉使唯禮即吹興鳳如故建中後行營亦置節度使防禦使都

團練使大率節度觀察防禦團練使皆兼所治州刺史都督府則領長史都護府

則領都護或亦別置都護都督府有祿

有屬有記室參軍事有典籤武德中省

市令一人從九品上掌交易禁妓非通判市事貞觀十七年廢市令垂

拱元年復置都督府三

都諸州各有市丞一人佐一人史二人帥三人分行檢察倉督二人瀕淮出納史二人州省表

大都護府大都護一人從二品副大都護二人從三品副都護二人正四品上長史一人正五品上司馬一人正五品下錄事參軍事一人正七品上錄事二人從九品上功曹參軍事倉曹參軍事戶曹參軍事兵曹參軍事法曹參軍事各一人正七品下參軍事三人正八品下上都護一人正二品副都護二人從四品上長史一人正五品上司馬一人正五品下錄事參軍事一人正七品下功曹參軍事倉曹參軍事戶曹參軍事兵曹參軍事各一人從七品上參軍事三人從八品上都護掌統諸蕃撫慰征討叙功罰過摠判府事

上州刺史一人從三品職同牧尹別駕一人從四品下武德元年改太守曰刺史加使

持節丞曰別駕十年改雍州別駕曰長史高宗即位改別駕皆為長史上元二年諸州復置別駕以諸王子為之永隆元年省永淳元年復置景雲二年始參用庶姓天寶

元年改刺史曰太守八載諸郡廢別駕下郡置長史一員上元二年諸州復置別駕德宗時復省元和長慶之際兩河用兵裨將有功者補東宮王府官久次當進及受代居京師者常

數十人訴宰相以求官文宗世宰相幸處厚建議復置兩輔六雄十監十監州別駕



長史一人從五品上司馬一人從五品下錄事參軍事一人從七  
品上錄事二人從九品下司功參軍事一人司倉參軍事一人司  
戶參軍事二人司田參軍事一人司兵參軍事一人司法參軍事  
二人司士參軍事一人皆從七品下參軍事四人從八品下市令  
一人從九品上丞一人從九品下文學一人從八品下醫學博士  
一人從九品下中州刺史一人正四品下錄事參軍事一人正八品  
上錄事一人從九品上司功參軍事司倉參軍事司戶參軍事  
司田參軍事司兵參軍事司法參軍事司士參軍事各一人正八  
品下參軍事三人正九品下醫學博士一人從九品下下州刺史  
一人正四品下別駕一人從五品上司馬一人從六品上錄事參  
軍事一人從八品上錄事一人從九品下司倉參軍事司戶參  
軍事司田參軍事司法參軍事各一人從八品下參軍事二人從  
九品下醫學博士二人從九品下諸軍各置使一人五千人以上  
有副使一人萬人以上有營田副使一人軍皆有倉兵曹三曹

參軍事刺史領使則置副使推官衙官州衙推軍衙推

京縣令各一人正五品上丞二人從七品上主簿二人從八品上錄

事二人從九品下尉六人從八品下畿縣令各一人正六品上丞一

人正八品下主簿一人正九品上尉二人正九品下上縣令一人從

六品上丞一人從八品下主簿一人正九品下尉二人從九品上

中縣令一人正七品上丞一人從八品下主簿一人從九品上尉

一人從九品下中下縣令一人從七品上丞一人正九品上主簿

一人從九品上尉一人從九品下下縣令一人從七品下丞一人

正九品下主簿一人從九品上尉一人從九品下縣令掌道守風化

察冤滯聽獄訟凡民田收授縣令給之每歲季冬行鄉飲酒

禮籍帳傳驛倉庫盜賊隄道雖有專官皆通知縣丞為之

貳縣尉分判眾曹收率課調武德元年改書佐曰縣尉尋改曰正諸縣置

上縣正皆四人七年改縣正復曰尉貞觀初諸縣置錄事開元上縣萬戶中縣四千戶以上增尉一人京兆河南府諸縣戶三千以上置市令一人戶一萬以上置義倉督三人其後畿縣戶不及四千亦置尉二人萬戶增一人凡縣有司功佐司倉佐司戶佐司兵佐司法佐司士佐典獄門事等畿縣城司兵上縣有司戶司法而凡縣皆有經學博士助教各一人京縣學生

五十人畿縣四十八人  
縣以下各二十五人

上鎮將一人正六品下鎮副二人正七品下倉曹參軍事兵曹參  
軍事各一人從八品下中鎮將一人正七品上鎮副一人從七品上  
兵曹參軍事一人正九品下下鎮將一人正七品下鎮副一人從七  
品下兵曹參軍事一人從九品下每鎮又有使一人副使一人凡  
軍鎮二萬人以上置司馬一人正六品上增倉曹兵曹參軍事  
各一人從七品下不及二萬者司馬從六品上倉曹兵曹參軍事  
正八品上上戍主一人正八品下戍副一人從八品下中戍主一人  
從八品下下戍主一人正九品下鎮將鎮副戍主戍副掌捍防  
守禦凡上鎮二十中鎮九十下鎮一百三十五上戍十一中戍八  
十六下戍二百四十五倉曹參軍事掌儀式倉庫飲膳醫藥  
付事句稽省署鈔目監印給紙筆市易公廨中鎮則兵曹兼掌  
兵曹參軍事掌防人名帳戎器管鑰馬驢土木適罰之事

有錄事一人史一人倉曹佐一人史二人兵曹佐史各二人倉督一人史二人中鎮錄事一人兵曹  
佐一人史四人倉督一人史二人下鎮錄事一人兵曹佐一人史二人倉督一人史一人凡軍鎮五百

人有押官一人千人有子摠管一人五千人又有府三人史四人上戎佐一人史二人中戎史二人下戎史一人唐廢戎子每防人五百人為上鎮三百人為中鎮不及者為下鎮五十人為上戎三十人為中戎不及者為下戎開元十五年朔方五城各置田曹參軍事二人品同諸軍判司專在營田永泰後諸鎮官頗增減開元之舊

五岳四瀆令各一人正九品上掌祭祀有祝史三人齋

上關令一人從八品下丞二人正九品下中關令一人正九品下丞

一人從九品下下關令一人亦從九品下掌禁末游察姦慝凡行

人車馬出入據過所為往來之節凡關二十有六京四面關有

驛道者為上關無驛道者為中關餘為下關丞掌付事句

稽監印省署鈔目通判關事上關錄事一人府二人史四人典事六人中關錄事一人府二人史二人典事四人下關府

一人史典事各二人典事掌巡雜及雜當初諸關置都尉亦有它官奉勅監者上津置尉一人掌舟梁之事府一人史二人津長四人下津尉一人府二人史二人津長二人永徽

中廢津尉上關置津吏八人永泰元年中關置津吏六人下關四人無津者不置

# 百官志第三十九下





兵志第四十

唐書五十

翰林學士兼龍圖閣學士朝散大夫給事中知制誥充史館修撰臣歐陽脩奉

敕撰

古之有天下國家者其興亡治亂未始不以德而自戰國秦漢以來鮮不以兵夫兵豈非重事哉然其因時制變以苟利趨便至於無所不爲而考其法制雖可用於一時而不足施於後世者多矣惟唐立府兵之制頗有足稱焉蓋古者兵法起於井田自周衰王制壞而不復至於府兵始一寓之於農其居處教養畜牧材待事動作休息皆有節目雖不能盡合古法蓋得其大意焉此高祖太宗之所以盛也至其後世子孫驕弱不能謹守屢變其制夫置兵所以止亂及其弊也適足爲亂又其甚也至困天下以養亂而遂至於亡焉蓋唐有天下二百餘年而兵之大勢三變其始盛時有府兵府兵後廢而爲彊騎彊騎又廢而方鎮之兵盛矣及其末也彊臣悍將兵布天下而天子亦自置兵於京師曰

禁軍其後天子弱方鎮疆而唐遂以三滅者措置之勢使然也若  
乃將卒營陣車旗器械征防守衛凡兵之事不可以悉記記其廢  
置得失終始治亂興滅之迹以爲後世戒云府兵之制起自西魏  
後周而備於隋唐興因之隋制十二衛曰翊衛曰驍騎衛曰武衛  
曰屯衛曰禦衛曰候衛爲左右皆有將軍以分統諸府之兵府有  
郎將副郎將坊主團主以相統治又有驃騎車騎二府皆有將軍  
後更驃騎曰鷹揚郎將車騎曰副郎將別置折衝果毅自高祖  
初起開大將軍府以建成爲左領大都督領左三軍煨煌公爲右  
領大都督領右三軍元吉統中軍發自太原有兵三萬人及諸  
起義以相屬蜀與降羣盜得兵二十萬武德初始置軍府以驃  
騎車騎兩將軍府領之析關中爲十二道曰萬年道長安道富  
平道醴泉道同州道華州道寧州道岐州道豳州道西麟州道  
涇州道宜州道皆置府三年更以萬年道爲參旗軍長安道爲  
鼓旗軍富平道爲立戈軍醴泉道爲井鉞軍同州道爲羽林軍

華州道爲騎官軍寧州道爲折威軍岐州道爲平道軍幽州道爲招搖軍西麟州道爲苑游軍涇州道爲天紀軍宜州道爲天節軍軍置將副各一人以督耕戰以車騎府統之六年以天下既定遂廢十二軍改驃騎曰統軍車騎曰別將居歲餘十二軍復而軍置將軍一人軍有坊置主一人以檢察戶口勸課農桑太宗貞觀十年更號統軍爲折衝都尉別將爲果毅都尉諸府摠曰折衝府凡天下十道置府六百三十四皆有名號而關內二百六十有一皆以隸諸衛凡府三等兵千二百人爲上千人爲中八百人爲下府置折衝都尉一人左右果毅都尉各一人長史兵曹別將各一人校尉六人士以三百人爲團團有校尉五十人爲隊隊有正十人爲火火有長火備六馱馬凡火具烏布幕鐵馬孟布槽錘鑊鑿鑿碓筐斧鉗鋸皆一甲牀二鎌二隊具火鑽一胷馬繩一首羈足絆皆二人具弓一矢三十胡祿橫刀礪石大觶羶帽羶裝行膝皆一麥飯九斗米二斗皆自備并其介冑戎

具藏於庫有所征行則視其入而出給之其番上宿衛者惟給  
弓矢橫刃而已凡民年二十爲兵六十而免其能騎而射者爲越  
騎其餘爲步兵武騎排攢手步射每歲季冬折衝都尉率五校  
兵馬之在府者置左右二校尉位相距百步每校爲步隊十騎隊  
一皆卷稍幡展刃旗散立以俟角手吹大角一通諸校皆斂人騎  
爲隊二通偃旗稍解幡三通旗稍舉左右校擊鼓二校之人  
合譟而進右校擊鉦隊少却左校進逐至右校立所左校擊鉦  
少却右校進逐至左校立所右校復擊鉦隊還左校復薄戰皆  
擊鉦隊各還大角復鳴一通皆卷幡攝矢弛弓匣刃二通旗稍  
舉隊皆進三通左右校皆引還是日也因縱獵獲各入其人其  
隸於衛也左右衛皆領六十府諸衛領五十至四十其餘以隸  
東宮六率凡發府兵皆下符契州刺史與折衝勘契乃發若  
全府發則折衝都尉以下皆行不盡則果毅行少則別將行  
當給馬者官予其直市之每匹千錢二萬五千刺史折衝果

毅歲閱不任戰事者粥之以其錢更市不足則一府共足之  
凡當宿衛者番上兵部以遠近給番五百里爲五番千里七番  
一千五百里八番二千里十番外爲十二番皆一月上若簡留直  
衛者五百里爲七番千里八番二千里十番外爲十二番亦月上  
先天二年詔曰往者分建府衛計戶充兵裁足周事二十一入  
募六十一出軍多憚勞以規避匿今宜取年二十五以上五十而  
免屢征鎮者十年免之雖有其言而事不克行玄宗開元六年  
始詔折衝府兵每六歲一簡自高宗武后時天下久不用兵府兵  
之法寢壞番役更代多不以時衛士稍稍亡匿至是益耗散宿  
衛不能給宰相張說乃請一切募士宿衛十一年取京兆蒲同岐  
華府兵及白丁而益以潞州長從兵共十二萬號長從宿衛歲二  
番命尚書左丞蕭嵩高與州吏共選之明年更號曰彍騎又詔諸  
州府馬闕官私共補之今兵貧難致乃給以監牧馬然自是諸府  
士益多不補折衝將又積歲不得遷士人皆恥爲之十三年始以



曠騎分隸十二衛揔十二萬爲六番每衛萬人京北曠騎六萬  
六千華州六千同州九千蒲州萬二千三百絳州三千六百晉州  
千五百岐州六千河南府三千陝虢汝鄭懷汴六州各六百內弩  
手六千其制皆擇下戶白丁宗丁品子彊壯五尺七寸以上不  
足則兼以戶八等五尺以上皆免征鎮賦役爲四籍兵部及州  
縣衛分掌之十人爲火五火爲團皆有首長又擇材勇者爲  
番頭頗習弩射又有羽林軍飛騎亦習弩凡伏遠弩自能施  
張縱矢三百步四發而二中擘張弩二百三十步四發而二中角  
弓弩二百步四發而三中單弓弩百六十步四發而二中皆爲  
及第諸軍皆近營爲堠士有便習者教試之及第者有賞  
自天寶以後曠騎之法又稍變廢士皆失拊循八載折衝諸府  
至無兵可交李林甫遂請停上下魚書其後徒有兵額官吏  
而戎器馱馬鍋幕糗糧並廢矣故時府人目番上宿衛者曰  
侍官言侍衛天子至是衛佐悉以假人爲童奴京師人恥之

至相罵辱必曰侍官而六軍宿衛皆市人富者販繒綵食梁肉壯者爲角觝拔河翹木扛鐵之戲及祿山反皆不能受甲矣初府兵之置居無事時耕於野其番上者宿衛京師而已若四方有事則命將以出事解輒罷兵散于府將歸于朝故士不失業而將帥無握兵之重所以防微漸絕禍亂之萌也及府兵法壞而方鎮盛武夫悍將雖無事時據要險專方面既有其土地又有其人民又有其甲兵又有其財賦以布列天下然則方鎮不得不彊京師不得不弱故曰措置之勢使然者以此也夫所謂方鎮者節度使之兵也原其始起於邊將之屯防者唐初兵之戍邊者大曰軍小曰守捉曰城曰鎮而揔之者曰道若盧龍軍一東軍等守捉十二曰平盧道橫海北平高陽經略安塞納降唐興渤海懷柔威武鎮遠靜塞雄武鎮安懷遠保定軍十六曰范陽道天兵大同天安橫野軍四岢嵐等守捉五曰河東道朔方經略豐安安定遠新昌天柱宥州經略橫塞天德天安軍九三受降豐寧保寧烏延等六城新泉守

捉一曰關內道赤水大斗白亭豆盧墨離建康寧寇玉門伊吾  
天山軍十烏城等守捉十四曰河西道瀚海清海靜塞軍三沙鉢  
等守捉十曰北庭道保大軍一鷹娑都督一蘭城等守捉八曰  
安西道鎮西天成振威安人綏我河源白水天威榆林臨洮莫門  
神策寧邊威勝金天武寧曜武積石軍十八平夷綏和合川守捉  
三曰隴右道威戎安夷昆明寧遠洪源通化松當平戎天保威遠  
軍十羊灌田等守捉十五新安等城三十二捷爲等鎮三十八曰劍  
南道嶺南安南桂管邕管容管經略清海軍六曰嶺南道福州  
經略軍一曰江南道平海軍一東牟東萊守捉二蓬萊鎮一曰  
河南道此自武德至天寶以前邊防之制其軍城鎮守捉皆有使  
而道有大將一人曰大摠管已而更曰大都督至太宗時行軍征討  
曰大摠管在其本道曰大都督自高宗永徽以後都督帶使持  
節者始謂之節度使然猶未以名官景雲二年以賀拔延嗣爲涼  
州都督河西節度使自此而後接乎開元朔方隴右河東河西諸

鎮皆置節度使及范陽節度使安祿山反犯京師天子之兵弱不能抗遂陷兩京肅宗起靈武而諸鎮之兵共起誅賊其後祿山子慶緒及史思明父子繼起中國大亂肅宗命李光弼等討之號九節度之師久之大盜旣滅而武夫戰卒以功起行陣列爲侯王者皆除節度使由是方鎮相望於內地大者連州十餘小者猶兼三四故兵驕則逐帥帥彊則叛上或父死子握其兵而不肯代或取捨由於士卒往往自擇將吏號爲留後以邀命於朝天子顧力不能制則忍恥含垢因而撫之謂之姑息之政蓋姑息起於兵驕兵驕由於方鎮姑息愈甚而兵將愈俱驕由是號令自出以相侵擊虜其將帥并其土地天子孰視不知所爲反爲和解之莫肯聽命始時爲朝廷患者號河朔三鎮及其末朱全忠以梁兵李克用以晉兵更犯京師而李茂貞韓建近據岐華每一喜怒兵已至於國門天子爲殺大臣罪已悔過然後去及昭宗用崔胤召梁兵以誅宦官劫天子奔岐梁兵圍之逾年當此之時天下之兵無復勤

王者嚮之所謂三鎮者徒能始禍而已其他大鎮南則吳浙荆湖閩廣西則收蜀北則燕晉而梁盜據其中自國門以外皆分裂於方鎮矣故兵之始重於外也土地民賦非天子有既其盛也號令征伐非其有又其甚也至無尺土而不能庇其妻子宗族遂以亡滅語曰兵猶火也弗戢將自焚夫惡危亂而欲安全者庸君常主之能知至於措置之失則所謂困天下以養亂也唐之置兵既外柄以授人而未大本小方區區自爲捍衛之計可不哀哉夫所謂天子禁軍者南北衙兵也南衙諸衛兵是也北衙者禁軍也初高祖以義兵起太原已定天下悉罷遣歸其願留宿衛者三萬人高祖以渭北白渠旁民棄腴田分給之號元從禁軍後老不任事以其子弟代謂之父子軍及貞觀初太宗擇善射者百人爲二番於北門長上曰百騎以從田獵又置北衙七營選材力驍壯月以一營番上十二年始置左右屯營於玄武門領以諸衛將軍號飛騎其法取月二等以上長六尺闊壯者試弓馬四次上



翹關舉五負米五斛行三十步者復擇馬射爲百騎衣五色袍乘六閑馱馬虎皮韉爲游幸翊衛高宗龍朔二年始取府兵越騎步射置左右羽林軍大朝會則執仗以衛階陛行幸則夾馳道爲內仗武后改百騎曰千騎睿宗又改千騎曰萬騎分左右營及玄宗以萬騎平韋氏改爲左右龍武軍皆用唐元功臣子弟制若宿衛兵是時良家子避征戍者亦皆納資隸軍分日更上如羽林開元十二年詔左右羽林軍飛騎闕取京旁州府士以戶部印印其臂爲二籍羽林兵部分掌之末年禁兵寢耗及祿山反天子西駕禁軍從者裁千人肅宗赴靈武士不滿百及即位稍復調補北軍至德二載置左右神武軍補元從扈從官子弟不足則取它色帶品者同四軍亦曰神武天騎制如羽林摠曰北衙六軍又擇便騎射者置衙前射生手千人亦曰供奉射生官又曰殿前射生分左右廂摠號曰左右英武軍乾元元年李輔國用事請選羽林騎士五百人徵巡李揆曰

漢以南北軍相制故周勃以北軍安劉氏朝廷置南北衙文武區別以相察伺今用羽林代金吾警忽有非常何以制之遂罷上元中以北衙軍使衛伯玉爲神策軍節度使鎮陝州中使魚朝恩爲觀軍容使監其軍初哥舒翰破吐蕃臨洮西之磨環川即其地置神策軍以成如璆爲軍使及祿山反如璆以伯玉將兵千人赴難伯玉與朝恩皆屯于陝時邊土陷蹙神策故地淪沒即詔伯玉所部兵號神策軍以伯玉爲節度使與陝州節度使郭英乂皆鎮陝其後伯玉罷以英乂兼神策軍節度英乂入爲僕射軍遂統於觀軍容使代宗即位以射生軍入禁中清難皆賜名寶應功臣故射生軍又號寶應軍廣德元年代宗避吐蕃幸陝朝恩舉在陝兵與神策軍迎扈悉號神策軍天子幸其營及京師平朝恩遂以軍歸禁中自將之然尚未與北軍齒也永泰元年吐蕃復入寇朝恩又以神策軍屯苑中自是寢浸盛分爲左右廂勢居北軍右遂爲天子禁軍非它軍比朝恩乃以觀軍

容宣慰處置使知神策軍兵馬使大曆四年請以京兆之好時  
鳳翔之麟游普潤皆隸神策軍明年復以興平武功扶風天興隸  
之朝廷不能遏又用愛將劉希暹爲神策虞候主不法遂置北  
軍獄募坊市不逞誣捕大姓沒產爲賞至有選舉旌寓而挾厚  
貲多橫死者朝恩得罪死以希暹代爲神策軍使是歲希暹復  
得罪以朝恩舊校王駕鶴代將十數歲德宗即位以白志貞代之  
是時神策兵雖處內而多以裨將將兵征伐往往有功及李希烈  
反河北盜且起數出禁軍征伐神策之士多鬪死者建中四年下  
詔募兵以志貞爲使蒐補峻切郭子儀之婿端王傅吳仲孺殖貲  
累巨萬以國家有急不自安請以子率奴馬從軍德宗喜甚爲官  
其子五品志貞乃請節度都團練觀察使與世嘗任者家皆出子  
弟馬奴裝鎧助征授官如仲孺子於是真家富者緣爲幸而貧者  
苦之神策兵旣發殆盡志貞陰以市人補之名隸籍而身居市肆  
及涇卒潰變皆戰伏不出帝遂出奔初段秀實見禁兵寘弱不

足備非常上疏曰天子萬乘諸侯千大夫百蓋以大制小十制一也  
尊君卑臣彊幹弱支之道今外有不廷之虜內有梗命之臣而禁  
兵不精其數削少後有猝故何以待之猛虎所以百獸畏者爪牙  
也爪牙廢則孤豚特犬豕能為敵願少留意至是方以秀實言為然及  
志貞等流貶神策都虞候李晟與其軍之它將皆自飛狐道西  
兵赴難遂為神策行營節度屯渭北軍遂振貞元二年改神策  
左右廂為左右神策軍特置監當左右神策軍以寵中官  
而益置大將軍以下又改殿前射生左右廂曰殿前左右射生軍  
亦置大將軍以下三年詔射生神策六軍將士府縣以事辦治先  
奏乃移軍勿輒逮捕京兆尹鄭叔則建言京劇輕猾所聚慝作  
不常俟奏報將失罪人請非昏田皆以時捕乃可之俄改殿前左  
右射生軍曰左右神威軍置監左右神威軍使左右神策軍皆  
加將軍二員左右龍武軍加將軍一員以待諸道大將有功者自  
肅宗以役北軍增置威武長興等軍名類頗多而廢置不一惟

羽林龍武神武神策神威最盛摠曰左右十軍矣其後京畿之西多以神策軍鎮之皆有屯營軍司之人散處甸內皆恃勢凌暴民間苦之自德宗幸梁還以神策兵有勞皆號興元元從奉天定難功臣恕死罪中書御史府兵部乃不能歲比其籍京兆又不敢摠舉名實三輔人假比於軍一牒至十數長安姦人多寓占兩軍身不宿衛以錢代行謂之納課戶益肆為暴吏稍禁之輒先得罪故當時京尹赤令皆為之斂屈十年京兆尹楊於陵請置挾名敕五丁許二丁居軍餘差以條限繇是真豪彊少畏十二年以監句當左神策軍左監門衛大將軍知內侍省事竇文場為左神策軍護軍中尉監句當右神策軍右監門衛將軍知內侍省事霍仙鳴為右神策軍護軍中尉監右神威軍使內侍兼內謁者監張尚進為右神威軍中護軍監左神威軍使內侍兼內謁者監焦希望為左神威軍中護軍護軍中尉中護軍皆古官帝既以禁衛假官官又以此寵之十四年又詔左右神策置統軍



以崇親衛如六軍時邊兵衣饜多不贍而戎卒屯防藥茗茗蔬將舊之給最厚諸將務爲詭辭請遙隸神策軍稟賜遂言賦舊三倍繇是塞上往往稱神策行營皆內統於中人矣其軍乃至十五萬故事京城諸司諸使府縣皆季以御史巡囚後以北軍地密未嘗至十九年監察御史崔遠不知近事遂入右神策中尉奏之帝怒杖遠四十流崖州順宗即位王叔文用事欲取神策兵柄乃用故將范希朝爲左右神策京西諸城鎮行營兵馬節度使以奪宦者權而不克元和二年省神武軍明年又廢左右神威軍合爲一曰天威軍八年廢天威軍以其兵騎分隸左右神策軍及僖宗幸蜀田令孜募神策新軍爲五十四都離爲十軍令孜自爲左右神策十軍兼十二衛觀軍容使以左右神策大將軍爲左右神策諸都指揮使諸都又領以都將亦曰都頭景福二年昭宗以藩臣跋扈天子孤弱議以宗室典禁兵及伐李茂貞乃用嗣覃王允爲京西招討使神策諸都指揮使李鐔副之悉發五十四軍屯興平已而兵自潰茂

貞逼京師昭宗爲斬神策中尉西門重遂李周謹乃引去乾寧元年王行瑜韓建及茂貞連兵犯闕天子又殺宰相韋昭度李磎乃去太原李克用以其兵伐行瑜等同州節度使王行實入迫神策中尉駱全瓘劉景宣請天子幸邠州全瓘景宣及子繼晟與行實縱火東市帝御承天門敕諸王率禁軍扞之捧日都頭李筠以其軍衛樓下茂貞將闖圭攻筠矢及樓扉帝乃與親王公主幸筠軍扈蹕都頭李君實亦以兵至侍帝出幸莎城石門詔嗣薛王知柔入長安收禁軍清宮室月餘乃還又詔諸王閱親軍收拾神策二散得數萬益置安聖捧宸保寧安化軍曰殿後四軍嗣覃王允與嗣延王戒丕將之三年茂貞再犯闕嗣覃王戰敗昭宗幸華州明年韓建畏諸王有兵請皆歸十六宅留殿後兵三十人爲控鶴排馬官隸飛龍坊餘悉散之且列甲圍行宮於是四軍二萬餘人皆罷又請誅都頭李筠帝恐爲斬於大雲橋俄遂殺十一王及還長安左右神策軍復稍置之以六千人爲定是歲左右

神策中尉劉季述王仲先以其兵千人廢帝幽之季述等誅已而昭宗召朱全忠兵入誅宦官宦官覺劫天子幸鳳翔全忠圍之歲餘天子乃誅中尉韓全誨張弘彥等二十餘人以解梁兵乃還長安於是悉誅宦官而神策左右軍繇此廢矣諸司悉歸尚書省郎官兩軍兵皆隸六軍而以崔胤判六軍十二衛事六軍者左右龍武神武羽林其名存而已自是軍司以宰相領及全忠歸留步騎萬人屯故兩軍以子友倫爲左右軍宿衛都指揮使禁衛皆汴卒崔胤乃奏六軍名存而兵亡非所以壯京師軍皆置步軍四將騎軍一將步將皆兵二百五十人騎將皆百人摠六千六百人番上如故事乃令六軍諸衛副使京兆尹鄭元規立格募兵於市而全忠陰以汴人應之胤死以宰相非樞判左三軍獨孤損判右三軍向所募士悉散去全忠亦兼判左右六軍十二衛及東遷唯小黃門打毬供奉十數人內園小兒五百人從至穀水又盡屠之易以汴人於是天子無一人之衛昭宗遇弒唐乃亡馬者兵之用也監牧所

以蕃馬也其制起於近世唐之初起得突厥馬二千匹又得隋馬三千於赤岸澤徙之隴右監牧之制始於此其官領以太僕其屬有牧監副監監有丞有主簿直司團官牧尉排馬牧長群頭有正有副凡群置長一人十五長置尉一人歲課功進排馬又有掌閑調馬習上又以尚乘掌天子之御左右六閑一曰飛黃二曰吉良三曰龍媒四曰駒騄五曰馭馱六曰天苑七曰十有二閑為二廄一曰祥麟二曰鳳苑以繫繫飼之其後禁中又增置飛龍廄初用太僕少卿張萬歲領羣牧自貞觀至麟德四十年間馬七十萬六千置八坊岐豳涇寧閒地廣千里一曰保樂二曰甘露三曰南普閏四曰北普閏五曰岐陽六曰太平七曰宜祿八曰安定八坊之田千二百三十頃募民耕之以給芻秣八坊之馬為四十八監而馬多地狹不能容又析八監列布河西豐曠之野凡馬五千為上監三千為中監餘為下監監皆有左右因地為之名方其時天下以一縑易一馬萬歲掌馬久恩信行於隴右後以太僕少卿鮮于匡

俗檢校隴右牧監儀鳳中以太僕少卿李思文檢校隴右諸牧  
監使監牧有使自是始後又有君羊牧都使有閑廩使使皆置  
副有判官又立四使南使十五西使十六北使七東使九諸坊若  
涇川亭川闕水洛赤城南使統之清泉溫泉西使統之烏氏北  
使統之木峽萬福東使統之它皆失傳其後益置八監於鹽州  
三監於嵐州鹽州使八統白馬等坊嵐州使三統樓煩玄池天  
池之監凡征伐而發牧馬先盡彊壯不足則取其次錄色歲膚  
第印記主名送軍以帳馱之數上於省自萬歲失職馬政頗廢  
永隆中夏州牧馬之死失者十八萬四千九百九十景雲二年詔  
君羊牧歲出高品御史按察之開元初國馬益耗太常少卿姜晦  
乃請以空名告身市馬於六胡州率三匹餼一游擊將軍命王  
毛仲領內外閑廩九年又詔天下之有馬者州縣皆先以郵遞  
軍旅之役定戶復緣以外之百姓畏苦乃多不畜馬故騎射之  
士減曩時自今諸州民勿限有無蔭能家畜十馬以下免帖驛



郵遞征行定戶無以馬為貨毛仲既領閑廐馬稍稍復始二十四萬至十三年乃四十三萬其後突厥款塞玄宗厚撫之歲許朔方軍西受降城為互市以金帛市馬於河東朔方隴右牧之既雜胡種馬乃益壯天寶後諸軍戰馬動以萬計王侯將相外戚牛駝羊馬之牧布諸道百倍於縣官皆以封邑號名為印自別將校亦備私馬議謂秦漢以來唐馬最盛天子又銳志武事遂弱西北蕃十一載詔二京旁五百里勿置私牧十三載隴右羣牧都使奏馬牛駝羊摠六十萬五千六百而馬三十二萬五千七百安祿山以內外閑廐都使兼知樓煩監陰選勝甲馬歸范陽故其兵力傾天下而卒反肅宗收兵至彭原率官吏馬抵平涼蒐監牧及私羣得馬數萬軍遂振至鳳翔又詔公卿百寮以後乘助軍其後邊無重兵吐蕃乘隙陷隴右苑牧畜馬皆沒矣乾元後回紇恃功歲入馬取繒馬皆病弱不可用永泰元年代宗欲親擊虜酋朝恩乃請大搜城中百官士庶馬輸官曰團練馬下制禁馬出城者已而復罷

德宗建中元年市關輔馬三萬實內殿貞元三年吐蕃羌渾犯塞  
詔禁大馬出潼蒲武關者元和十一年伐蔡命中使以絹二萬市  
馬河曲其始置四十八監也據隴西金城平涼天水貞廣千里繇  
京度隴置八坊爲會計都領其閒善水草腴田皆隸之後監牧  
使與坊皆廢故地存者一歸閑廩旋以給貧民及軍吏閒又賜  
佛寺道館幾千頃十二年閑廩使張茂宗舉故事盡收岐陽坊地  
民失業者甚衆十三年以蔡州牧地爲龍陂監十四年置臨漢  
監於襄州牧馬三千二百費田四百頃穆宗即位岐人叩闕頌茂  
宗所奪田事下御史按治悉予民大和七年度支鹽鐵使言銀州  
水甘草豐請詔刺史劉源市馬三千河西置銀川監以源爲使襄  
陽節度使裴度奏停臨漢監開成二年劉源奏銀川馬已七千  
若水草乏則徙牧綏州境今綏南二百里四隅險絕寇路不能通以  
數十人守要害畜牧無它患乃以隸銀川監其後闕不復可紀

食貨志第四十一

唐書五十一

翰林學士兼龍圖閣學士朝散大夫給事中知制誥充史館脩撰臣歐陽脩奉  
敕撰

古之善治其國而愛養斯民者必立經常簡易之法使上愛物以  
養其下下勉力以事其上上足而下不困故量人之力而授之田量  
地之產而取以給公上量其入而出之以爲用度之數是三者常  
相須以濟而不可失失其一則不能守其二及暴君庸主縱其佚  
欲而苟且之吏從之變制合時以取寵於其上故用於上者無節  
而取於下者無限民竭其力而不能供由是上愈不足而下愈困  
則財利之說興而聚斂之臣用記曰寧畜盜臣盜臣誠可惡然一人  
之害爾聚斂之臣用則經常之法壞而下不勝其弊焉唐之始時  
授人以口分世業田而取之以租庸調之法其用之也有節蓋其畜  
兵以府衛之制故兵雖多而無所損設官有常員之數故官不濫  
而易祿雖不及三代之盛時然亦可以爲經常之法也及其弊也

兵冗官濫爲之大蠹自天寶以來大盜屢起方鎮數叛兵革之興累世不息而用度之數不能節矣加以驕君昏主姦吏邪臣取濟一時屢更其制而經常之法蕩然盡矣由是財利之說興聚斂之臣進蓋口分世業之田壞而爲兼并租庸調之法壞而爲兩稅至於鹽鐵轉運屯田和糴鑄錢括苗權利借商進奉獻助無所不爲矣蓋愈煩而愈弊以至於亡焉唐制度田以步其闊一步其長二百四十步爲畝百畝爲頃凡民始生爲黃四歲爲小十六爲中二十一爲丁六十爲老授田之制丁及男年十八以上者人一頃其八十畝爲口分二十畝爲永業老及篤疾廢疾者人四十畝寡妻妾三十畝當戶者增二十畝皆以二十畝爲永業其餘爲口分永業之田樹以榆棗桑及所宜之木皆有數田多可以足其人者爲寬鄉少者爲狹鄉狹鄉授田減寬鄉之半其地有薄厚歲一易者倍授之寬鄉三易者不倍授工商者寬鄉減半狹鄉不給凡庶人徙鄉及貧無以葬者得賣世業田自狹鄉而徙寬鄉者得

并賣口分田已賣者不復授死者收之以授無田者凡收授皆以歲十月授田先貧及有課役者凡田鄉有餘以給比鄉縣有餘以給比縣州有餘以給近州凡授田者丁歲輸粟二斛稻三斛謂之租丁隨鄉所出歲輸絹二匹綾緇二丈布加五之一綿三兩麻三斤非營蠶鄉則輸銀十四兩謂之調用人之力歲二十日閏加二日不役者日為絹三尺謂之庸有事而加役二十五日者免調三十日者租調皆免通正役不過五十日自王公以下皆有永業田太皇太后皇太后皇后總麻以上親內命婦一品以上親郡王及五品以上祖父兄弟職事勳官三品以上有封者若縣男父子國子太學四門學生俊士孝子順孫義夫節婦同籍者皆免課役凡主戶內有課口者為課戶若老及男廢疾篤疾寡妻妾部曲客女奴婢及視九品以上官不課凡里有手實歲終具民之年與地之闊陬為鄉帳鄉成於縣縣成於州州成於戶部又有計帳具來歲課役以報度支國有所須先奏而斂凡稅斂之數書于縣門村坊



與衆知之水旱霜蝗耗十四者免其租桑麻盡者免其調田耗  
十之六者免租調耗七者諸役皆免凡新附之戶春以三月免役  
夏以六月免課秋以九月課役皆免徙寬鄉者縣覆於州出境則  
覆于戶部官以閒月達之自畿內徙畿外自京縣徙餘縣皆有禁  
四夷降戶附以寬鄉給復十年奴婢縱爲良人給復三年沒外蕃  
人一年還者給復三年二年者給復四年三年者給復五年浮民  
部曲客女奴婢縱爲良者附寬鄉貞觀中初稅草以給諸閑而  
驛馬有牧田太宗方銳意於治官吏考課以鰥寡少者進考如增  
戶法失勸導者以減戶論配租以斂獲早晚險易遠近爲差庸調  
輸以八月發以九月同時輸者先遠民皆自槩量州府歲市土所  
出爲貢其價視絹之上下無過五十匹異物滋味口馬鷹犬非有詔  
不獻有加配則以代租賦其凶荒則有社倉賑給不足則徙民就  
食諸州尚書左丞戴胄建議自王公以下計墾田秋熟所在爲義  
倉歲凶以給民太宗善之乃詔畝稅二升粟麥稻隨土地所宜

寬鄉斂以所種狹鄉據青苗簿而督之田耗十四者免其半耗十七者皆免之商賈無田者以其戶爲九等出粟自五石至于五斗爲差下下戶及夷獠不取焉歲不登則以賑民或貸爲種子則至秋而償其後洛相幽徐齊并秦蒲州又置常平倉粟藏九年米藏五年下濕之地粟藏五年米藏三年皆著于令貞觀初戶不及三百萬絹一匹易米一斗至四年米斗四五錢外戶不閉者數月馬牛被野人行數千里不齎糧民物蕃息四夷降附者百二十萬人是歲天下斷獄死罪者二十九人號稱太平此高祖太宗致治之大略及其成效如此高宗承之海內艾安太尉長孫無忌等輔政天下未見失德數引刺史入閤問民疾苦即位之歲增戶十五萬及中書令李義府侍中許敬宗既用事役費竝起永淳以後給用益不足加以武后之亂紀綱大壞民不勝其毒玄宗初立求治蠲徭役者給蠲符以流外及九品京官爲蠲使歲再遣之開元八年頒庸調法于天下好不過精惡不至濫闕者一尺八

寸長者四丈然是時天下戶未嘗升降監察御史宇文融獻策  
括籍外羨田逃戶自占者給復五年每丁稅錢千五百以攝御史  
分行括實陽翟尉皇甫憬上書言其不可玄宗方任用融乃貶  
憬爲盈川尉諸道所括得客戶八十餘萬田亦稱是州縣希旨張  
虛數以正田爲羨編戶爲客歲終籍錢數百萬緡十六年乃詔  
每三歲以九等定籍而庸調折租所取華好州縣長官勸織中  
書門下察濫惡以貶官吏精者褒賞之二十二年詔男十五女  
十三以上得嫁娶州縣歲上戶口登耗採訪使覆實之刺史縣令  
以爲課最初永徽中禁買賣世業口分田其後豪富兼并貧者  
失業於是詔買者還地而罰之先是揚州租調以錢嶺南以米  
安南以絲益州以羅紬綾絹供春綵因詔江南亦以布代租中  
書令李林甫以租庸丁防和糴春綵稅草無定法歲爲旨符  
遣使一告費紙五十餘萬條目旣多覆問踰年乃與採訪朝  
集使議革之爲長行旨以授朝集使及送旨符使歲有所

支進畫附驛以達每州不過二紙凡庸調租資課皆任土所宜  
州縣長官涖定麤良具上中下三物之樣輸京都有濫惡督中物  
之直二十五年以江淮輸運有河洛之艱而關中蠶桑少菽粟常  
賤乃命庸調資課皆以米凶年樂輸布絹者亦從之河南北不  
通運州租皆為絹代關中庸課詔度支減轉運明年又詔民  
三歲以下為黃十五以下為小二十以下為中又以民間戶高丁多  
者率與父母別籍異居以避征戍乃詔十丁以上免二丁五丁以上  
免一丁侍丁孝者免徭役天寶三載更民十八以上為中男二十  
三以上成丁五載詔貧不能自濟者每鄉免三十丁租庸男子七  
十五以上婦人七十以上中男一人為侍八十以上以令式從事是時  
海內富實米斗之價錢十三青齊間斗纔三錢絹一匹錢二百  
道路列肆具酒食以待行人店有驛驢行千里不持尺兵天下  
歲入之物租錢二百餘萬緡粟千九百八十餘萬斛庸調絹七  
百四十萬匹綿百八十餘萬屯布千三十五萬餘端天子驕於

佚樂而用不知節大抵用物之數常過其所入於是錢穀之臣始  
事殷刻太府卿楊崇禮句剥分銖有欠折漬損者州縣督送歷  
年不止其子慎矜專知太府次子慎名知京倉亦以苛刻結主  
恩王鉉爲戶口色役使歲進錢百億萬緡非租庸正額者積百  
寶大盈庫以供天子燕私及安祿山反司空楊國忠以爲正庫  
物不可以給士遣侍御史崔衆至太原納錢度僧尼道士旬日得  
百萬緡而已自兩京陷沒民物耗弊天下蕭然肅宗即位遣御  
史鄭叔清等籍江淮蜀漢富商右族訾畜十收其二謂之率貸  
諸道亦稅商賈以澹軍錢一千者有稅於是北海郡錄事參軍第  
五琦以錢穀得見請於江淮置租庸使吳鹽蜀麻銅冶皆有稅  
市輕貨繇江陵襄陽上津路轉至鳳翔明年鄭叔清與宰相裴  
冕建議以天下用度不充諸道得召人納錢給空名告身授官  
勳邑號度道士僧尼不可勝計納錢百千賜明經出身商賈助  
軍者給復及兩京平又於關輔諸州納錢度道士僧尼萬人而



百姓殘於兵盜米斗至錢七千鬻糶爲糧民行乞食者屬路乃  
詔能賑貧乏者寵以爵秩故事天下財賦歸左藏而太府以時  
上其數尚書比部覆其出入是時京師豪將假取不能禁第五琦  
爲度支鹽鐵使請皆歸大盈庫供天子給賜主以中官自是天下  
之財爲人君私藏有司不得程其多少廣德元年詔一戶三丁者免  
一丁凡畝稅二升男子二十五爲成丁五十五爲老以優民而彊寇  
未夷民耗斂重及吐蕃逼京師近甸屯兵數萬百官進俸錢又率戶  
以給軍糧至大曆元年詔流民還者給復二年田園盡則授以逃  
田天下苗一畝稅錢十五市輕貨給百官手力課以國用急不及秋  
方苗青即征之號青苗錢又有地頭錢每畝二十通名爲青苗錢  
又詔上都秋稅分二等等畝稅一斗下等六升荒田畝稅二升五年始  
定法夏上田畝稅六升下田畝四升秋上田畝稅五升下田畝三升荒田  
如故青苗錢畝加一倍而地頭錢不在焉初轉運使掌外度支使掌  
內承泰二年分天下財賦鑄錢常平轉運鹽鐵置二使東都畿

內河南淮南江東西湖南荆南山南東道以轉運使劉晏領之京畿關內河南劔南山南西道以京兆尹判度支第五琦領之及琦貶以戶部侍郎判度支韓滉與晏分治時回紇有助收西京功代宗厚遇之與中國婚姻歲送馬十萬匹酬以縑帛百餘萬匹而中國財力屈竭歲負馬價河湟六鎮既陷歲發防秋兵三萬戍京西資糧百五十餘萬緡而中官魚朝恩方恃恩擅權代宗與宰相元載日夜圖之及朝恩誅帝復與載貳君臣猜間不協邊計兵食置而不議者幾十年而諸鎮擅地結爲表裏日治兵繕壘天子不能繩以法顧留意祠禱焚幣玉寫浮屠書度支粟賜僧巫歲以鉅萬計然帝性儉約身所御衣必浣染至再三欲以先天下然生日端午四方貢獻至數千萬者加以恩澤而諸道尚俊麗以自媚朝多留事經歲不能遣置客省以居上封事不足采者蕃夷貢獻未報及失職未叙者食度支數千百人德宗即位用宰相崔祐甫拘客省者出之食度支者遣之歲省費萬計

食貨志第四十二

唐書五十二

翰林學士兼龍圖閣學士朝散大夫給事中知制誥充史館脩撰臣歐陽脩奉  
敕撰

租庸調之法以人丁爲本自開元以後天下戶籍久不更造丁口  
轉死田畝賣易貧富升降不實其後國家侈費無節而大盜並起  
兵興財用益屈而租庸調法弊壞自代宗時始以畝定稅而斂以  
夏秋至德宗相揚炎遂作兩稅法夏輸無過六月秋輸無過十月  
置兩稅使以總之且量出制入戶無主客以居者爲簿人無丁中以貧  
富爲差商賈稅三之一與居者均役田稅視大曆十四年墾田  
之數爲定遣黜陟使按比諸道丁產等級免鰥寡恂子獨不濟者  
敢有加斂以枉法論議者以租庸調高祖太宗之法也不可輕改  
而德宗方信用炎不疑也舊戶三百八十萬五千使者按比得主  
戶三百八十萬客戶三十萬天下之民不土斷而地著不更版籍  
而得其虛實歲斂錢二千五十餘萬緡米四百萬斛以供外錢

九百五十餘萬緡米千六百餘萬斛以供京師稅法既行民力未  
及寬而朱滔王武俊田悅合從而叛用益不給而借商之令出初太  
常博士韋都賓陳京請借富商錢德宗以問度支杜佑以爲軍  
費裁支數月幸得商錢五百萬緡可支半歲乃以戶部侍郎趙  
贊判度支代佑行借錢令約罷兵乃償之京兆少尹韋楨長安丞  
薛華搜督甚峻民有不勝其冤自經者家若被盜然揔京師豪  
人田宅奴婢之估裁得八十萬緡又取餽櫃納質錢及粟麥糶於  
市者四取其一長安爲罷市而民相率遮邀宰相哭訴盧杞疾  
驅而過韋楨懼乃請錢不及百緡粟麥不及五十斛者免而所  
獲裁二百萬緡淮南節度使陳少游增其本道稅錢每緡二百  
因詔天下皆增之自太宗時置義倉及常平倉以備凶荒高宗  
以後稍假義倉以給他費至神龍中略盡玄宗即位復置之其後  
第五琦請天下常平倉皆置庫以畜本錢至是趙贊又言自軍  
興常平倉廢垂三十年凶荒潰散餓死相食不可勝紀陛下即

位京城兩市置常平官雖頻年少雨米不騰貴可推而廣之宜兼儲布帛請於兩都江陵成都揚汴蘇洪置常平輕重本錢上至百萬緡下至十萬積米粟布帛絲麻貴則下價而出之賤則加估而收之諸道津會置吏閱商賈錢每緡稅二十竹木茶漆稅十之一以澹常平本錢德宗納其策屬蜀軍用迫就足亦隨而耗竭不能備常平之積是時諸道討賊兵在外者度支給出界糧每軍以臺省官一人爲糧料使主供億士卒出境則給酒肉一卒出境兼三人之費將士利之逾境而屯趙贇復請稅間架筭除陌其法屋二架爲間上間錢二千中間一千下間五百匿一間杖六十告者賞錢五萬除陌法公私貿易千錢舊筭二十加爲五十物兩相易者約直爲率而民益愁怨及涇原兵反大誨長安市中曰不奪爾商戶餽質不稅爾間架除陌矣於是間架除陌竹木茶漆鐵之稅皆罷朱泚平天下戶口三耗其二貞元四年詔天下兩稅審等第高下三年一定戶自初定兩稅化負重錢輕乃計錢而輸



綾絹旣而物價愈下所納愈多絹匹爲錢三千二百其後一匹  
爲錢一千六百輸一者過二雖賦不增舊日而民愈困矣度支以  
稅物頒諸司皆增本價爲虛估給之而繆以濫惡督州縣剝價  
謂之折納復有進奉宣索之名改科役曰召雇率配曰和市以  
巧避微文比大曆之數再倍又厲疫水旱戶口減耗刺史析戶  
張虛數以寬責逃死闕稅取於居者一室空而四鄰亦盡戶版  
不緝無浮游之禁州縣行小惠以傾誘鄰境新收者優假之唯  
安居不遷之民賦役日重帝以問宰相陸贄贄上疏請整厘革其  
甚害者大略有六其一曰國家賦役之法曰租曰調曰庸其取法遠  
其斂財均其域人固有田則有租有家則有調有身則有庸天下  
法制均壹雖轉徙莫容其姦故人無搖心天寶之季海內波蕩  
版圖隳於避地賦法壞於奉軍賦役舊法行之百年人以爲便  
兵興供億不常誅求墮制此時弊非法弊也時有弊而未理法  
無弊而已更兩稅新制竭耗編旼日日滋甚陛下初即位宜損上益

下畜用節財而摘郡邑驗簿書州取大曆中二年科率多者爲兩  
稅定法此摠無名之暴賦而立常規也夫財之所生必因人力兩稅  
以資產爲宗不以丁身爲本資產少者稅輕多者稅重不知有  
藏於襟懷囊篋物貴而人莫窺者有場圃困倉直輕而衆以  
爲富者有流通蕃息之貨數寡而日收其贏者有廬舍器  
用價高而終歲利寡者計估筭緡失平長僞挾輕費轉徙者  
脫徭稅敦本業者困斂求此誘之爲姦歐之避役也今徭賦輕  
重相百而以舊爲準重處流亡益及輕處歸附益衆有流亡則  
攤出已重者愈重有歸附則散出已輕者愈輕人嬰其弊願  
詔有司與宰相量年支有不急者罷之廣費者節之軍興加  
稅諸道權宜所增皆可停稅物估價宜視月平至京與色樣符  
者不得虛稱折估有濫惡罪官吏勿督百姓每道以知兩稅判  
官一人與度支參計戶數量土地沃瘠物產及少爲二等州等下  
者配錢少高者配錢多不變法而逋逃漸息矣其二曰播殖非

力不成故先王定賦以布麻繒纊百穀勉人功也又懼物失貴賤之平交易難準乃定貨泉以節輕重蓋爲國之利權守之在官不以任下然則穀帛人所爲也錢貨官所爲也人所爲者租稅取焉官所爲者賦斂捨焉國朝著令稅出穀庸出絹調出繒纊布麻曷嘗禁人鑄錢而以錢爲賦今兩稅効筭緡之末法估資產爲差以錢穀定稅折供雜物歲日頗殊所供非所業所業非所供增價以市所無減價以贖所有耕織之力有限而物價貴賤無常初定兩稅萬錢爲絹三匹價貴而數不及給軍裝計數不計價此稅少國用不充也近者萬錢爲絹六匹價賤而數加計口蠶織不殊而所輸倍此供稅多人力不給也宜令有司覆初定兩稅之歲絹布定估爲布帛之數復庸調舊制隨土所宜各脩家技物甚賤所出不加物甚貴所入不減且經費所資在錢者獨月俸資課以錢數多少給布廣鑄而禁用銅器則錢不乏有糴鹽以入直榷酒以納資何慮無所給哉其三曰廉使奏吏之能者有四科一曰戶

口增加二曰田野墾闢三曰稅錢長數四曰率辦先期夫貴戶口增加詭情以誘姦奴浮苛法以析親族所誘者將議薄征則遽散所析者不勝重稅而亡有州縣破傷之病貴田野墾闢率民殖荒田限年免租新畝雖闢舊畝蕪矣人以免租年滿復爲污萊有稼穡不增之病貴稅錢長數重困疲羸捶骨瀝髓苟媚聚斂之司有不恤人之病貴率辦先期作威殘人絲不容纖粟不暇春貧者奔迸有不忍物之病四病繇考覈不切事情之過驗之以實則租賦所加固有受其損者此州若增客戶彼郡必減居人增剋邀賞而稅數加減剋懼罪而稅數不降國家設考課之法非欲崇聚斂也宜命有司詳考課績州稅有定徭役有等覆實然後報戶部若人益阜實稅額有餘據戶均減十三爲上課減二次之減一又次之若流亡多加稅見戶者殿亦如之民納租以去歲輸數爲常罷據額所率者增闢勿益租廢耕不降數定戶之際視雜產以校之田既有常租則不宜復

入兩稅如此不督課而人人樂耕矣其四曰明君不厚所資而害所養故先人事而借其暇力家給然後斂餘財今督收迫促督蠲事方興而輸縑農功未艾而斂穀有者急賣而耗半直無者求假費倍定兩稅之初期約未詳屬征役多故率先限以收宜定稅期隨風俗時候務於紓人其五曰頃師旅亟興官司所儲唯給軍食凶荒不遑賑救人小乏則取息利大乏則鬻田廬斂獲始畢執契行貸饑歲室家相棄乞為奴僕猶莫之售或縊死道途天災流行四方代有稅茶錢積戶部者宜計諸道戶口均之穀麥熟則平糶亦以義倉為名主以巡院時稔傷農則優價廣糶穀貴而止小歉則借貸循環斂散使粟穀幸災者無以牟大利其六曰古者百畝地號一夫蓋一夫授田不得過百畝欲使人不廢業田無曠耕今富者萬畝貧者無容足之居依託彊家為其私屬終歲服勞常患不充有田之家坐食租稅京畿田畝稅五升而私家收租畝一石官取一私取十穡者安得足食宜為占田條限裁租價損有餘優不足此安



富恤窮之善經不可捨也。執言雖切，以讒逐事，無施行者。十二年，河南尹齊抗復論其敝，以爲軍興國用稍廣，隨要而稅，吏擾人勞，陛下變爲兩稅，督納有時，貪暴無容，其姦二十年間，府庫充牣，但定稅之初，錢輕貨重，故陛下以錢爲稅，今錢重貨輕，若更爲稅名，以就其輕，其利有六：吏絕其姦一也，人用不擾二也，靜而獲利三也，用不乏錢四也，不勞而易知五也，農桑自勸六也。百姓本出布帛而稅，反配錢，至輸時復取布帛，更爲三估計，折州縣升降成姦。若直定布帛無估，可折蓋以錢爲稅，則人力竭而有司不之覺。今兩稅出於農人，農人所有唯布帛而已，用布帛處多用錢處少，又有鼓鑄以助國計，何必取於農人哉？疏入，亦不報。初，德宗居奉天，儲畜空，嘗遣卒視賊，以苦寒乞襦袴，帝不能致，別親王帶金而鬻之，朱泚既平，於是帝屬意聚斂，常賦之外，進奉不息。劍南西川節度使韋臯有日進，江西觀察使李兼有月進，淮南節度使杜亞、宣歙觀察使劉贊、鎮海節度使王緯、李錡皆徼射恩。

澤以常賦入貢名爲羨餘至代易又有進奉當是時戶部錢物所  
在州府及巡院皆得擅留或矯密旨加斂謫官吏刻祿稟增稅通  
津死人及蔬果凡代易進奉取於稅入十獻二三無敢問者常州刺  
史裴肅鬻薪炭案紙爲進奉得遷浙東觀察使刺史進奉自  
肅始也劉贇卒于宣州其判官嚴綬傾軍府爲進奉召爲刑部  
員外郎判官進奉自綬始也自裴延齡用事益爲天子積私財而  
生民重困延齡死而人相賀是時宮中取物於市以中官爲宮市使  
兩市置白望數十百人以鹽估敝衣縮帛尺寸分裂酬其直又索進  
奉門戶及脚價錢有齎物入市而空歸者每中官出沽漿賣餅之  
家皆徹肆塞門諫官御史數上疏諫不聽人不堪其弊戶部侍郎蘇  
弁言京師游手數千萬家無生業者仰宮市以活柰何罷帝悅  
以爲然京兆尹韋湊奏小人因宮市爲姦具偽難辨宜下府縣  
供送帝許之中官言百姓賴宮市以養者也湊反得罪順宗即  
位乃罷宮市使及鹽鐵使月進憲宗又罷除官受代進奉及諸

道兩稅外權率分天下之賦以爲三一曰上供二曰送使三曰留州  
宰相裴垪又令諸道節度觀察調費取於所治州不足則取於  
屬州而屬州送使之餘與其上供者皆輸度支是時因德宗府  
庫之積頗約費用天子身服澣濯及劉闢李錡旣平嘗藏皆入  
內庫山南東道節度使于頔河東節度使王鐸進獻其厚翰林  
學士李絳嘗諫曰方鎮進獻因緣爲女媧以侵百姓非聖政所宜  
帝喟然曰誠知非至德事然兩河中夏貢賦之地朝覲久廢河湟  
陷沒烽候列於郊甸方刷祖宗之恥不忍重斂於人也然獨不知進  
獻之取於人者重矣及討淮西判度支楊於陵坐饋餽不繼貶以  
司農卿皇甫鏞代之由是益爲刻剝司農卿王遂京兆尹李脩號  
能聚斂乃以爲宣歙浙西觀察使子之富饒之地以辦財賦鹽鐵  
使王播言劉晏領使時自按租庸然後知州縣錢穀利病虛實乃  
以副使程昇巡江淮數州府上供錢穀昇至江淮得錢百八十五  
萬貫其年遂代播爲鹽鐵使是時河北兵討王承宗於是募人

入粟河北淮西者自千斛以上皆授以官度支鹽鐵與諸道貢獻尤甚號助軍錢及賊平則有賀禮及助賞設物君幸臣上尊號又有獻賀物穆宗即位一切罷之兩稅外加率一錢者以枉法贓論然自在藩邸時習見用兵之弊以謂戎臣武卒法當姑息及即位自神策諸軍非時賞賜不可勝紀已而幽州兵囚張弘靖鎮州殺田弘正兩鎮用兵置南北供軍院而行營軍十五萬不能亢兩鎮萬餘之衆而饋運不能給帛粟未至而諸軍或彊奪於道蓋自建中定兩稅而物輕錢重民以爲患至是四十年當時爲絹二匹半者爲八匹大率加三倍豪家大商積錢以逐輕重故農人日困末業日增帝亦以貨輕錢重民困而用不充詔百官議革其弊而議者多請重挾銅之律戶部尚書楊於陵曰王者制錢以權百貨賀遷有無通變不倦使物無其貴甚賤其術非它在上而已何則上之所重人必從之古者權之於上今索之於下昔散之四方今藏之公府昔廣鑄以資用今減鑪以廢功昔行之於中原今洩

之於邊裔又有間井送終之哈商賈貸舉之積江湖賦重復之耗則錢焉得不重貨焉得不輕開元中天下鑄錢七十餘鑪歲盈百萬今纔十數鑪歲入十五萬而已大曆以前淄青太原魏博雜鉛鐵以通時用嶺南雜以金銀丹砂象齒今一用泉貨故錢不足今宜使天下兩稅權酒鹽利上供及留州送使錢悉輸以布帛穀粟則人寬於所求然後出內府之積收市厘之滯廣山鑄之數限邊裔之出禁私家之積則貨日重而錢日輕矣宰相善其議由是兩稅上供留州皆易以布帛絲纊租庸課調不計錢而納布帛唯鹽酒本以權率計錢與兩稅異不可去錢文宗大和九年以天下回殘錢置常平義倉本錢歲增市之非遇水旱不增者判官罰俸書下考州縣假借以枉法論文宗嘗召監倉御史崔虞問太倉粟數對曰有粟二百五十萬石帝曰今歲費廣而所畜寡奈何乃詔出使郎官御史督自察州縣壅遏錢穀者時豪民侵噬產業不移戶州縣不敢佞役而征税皆出下貧至於依富爲奴客



役罰峻於州縣長吏歲輒遣吏巡覆田稅民苦其擾武宗即位廢浮圖法天下毀寺四千六百招提蘭若四萬籍僧尼爲民二十六萬五千人奴婢十五萬人田數千萬頃大秦穆護祆二千餘人上都東都每街留寺二每寺僧三十人諸道留僧以三等不過二十人腴田粥餽錢送戶部中下田給寺家奴婢丁壯者爲兩稅戶人十畝以僧尼旣盡兩京悲田養病坊給寺田十頃諸州七頃主以耆壽自會昌末置備邊庫收度支戶部鹽鐵錢物宣宗更號延資庫初以度支郎中判之至是以屬蜀宰相其任益重戶部歲送錢帛二十萬度支鹽鐵送者三十萬諸道進奉助軍錢皆輸焉懿宗時雲南蠻數內寇徙兵戍嶺南淮北大水征賦不能辦人人思亂及龐勛反附者六七萬自關東至海大旱冬其蔬皆盡貧者以蓬子爲麵槐葉爲齋乾符初大水山東饑中官田令改爲神策中尉怙權用事督賦益急王仙芝黃巢等起天下遂亂公私困竭昭宗在鳳翔爲梁兵所圍城中人相食人食其子而天子食粥

六宮及宗室多餓死其窮至於如此遂以亡初乾元末天下上計百六十九州戶百九十三萬三千一百二十四不課者百一十七萬四千五百九十二口千六百九十九萬三百八十六不課者千四百六十一萬九千五百八十七減天寶戶五百九十八萬二千五百八十四口三千五百九十二萬八千七百二十三元和中供歲賦者浙西浙東宣歙淮南江西鄂岳福建湖南八道戶百四十四萬比天寶纔四之一兵食於官者八十三萬加天寶三之一通以二戶養一兵京西北河北以屯兵廣無上供至長慶戶三百三十五萬而兵九十九萬率三戶以奉一兵至武宗即位戶二百一十一萬四千九百六十會昌末戶增至四百九十五萬五千一百五十一宣宗既復河湟天下兩稅榷酒茶鹽錢歲入九百二十二萬緡歲之常費率少三百餘萬有司遠取後年乃濟及羣盜起諸鎮不復上計云

食貨志第四十二

合良化員志第四十三

唐書五十三

翰林學士兼龍圖閣學士朝散大夫給事中知制誥充史館脩撰臣歐陽脩奉  
敕撰

唐都長安而關中號稱沃野然其土地狹所出不足以給京師備  
水旱故常轉漕東南之粟高祖太宗之時用物有節而易贍水陸  
漕運歲不過二十萬石故漕事簡自高宗已後歲益增多而功利  
繁興民亦罹其弊矣初江淮漕租米至東都輸含嘉倉以車或馱  
陸運至陝而水行來遠多風波覆溺之患其失嘗十七八故其率二  
斛得八斗爲成勞而陸運至陝纔三百里率兩斛計傭錢千民送  
租者皆有水陸之直而河有三門底柱之險顯慶元年苑西監褚  
卽議鑿三門山爲梁可通陸運乃發卒六千鑿之功不成其後將  
作大匠楊務廉又鑿爲棧以輓漕舟輓夫繫一鈎於曾而繩多絕  
輓夫輒墜死則以逃亡報因繫其父母妻子人以爲苦開元十八年宣  
州刺史裴耀卿朝集京師玄宗訪以漕事耀卿條上便宜曰江南

戶口多而無征防之役然送租庸調物以歲二月至揚州入斗門  
四月已後始渡淮入汴常苦水淺六七月乃至河口而河水方漲須  
八九月水落始得上河入洛而漕路多梗船檣阻隘江南之人不習  
河事轉雇河師水手重爲勞費其得行日少阻滯日多今漢隋漕路  
瀕河倉廩遺迹可尋可於河口置武牢倉鞏縣置洛口倉使江南  
之舟不入黃河黃河之舟不入洛口而河陽柏崖太原永豐渭南諸  
倉節級轉運水通則舟行水淺則寓於倉以待則舟無停留而物  
不耗失此甚利也立宗初不省二十一年耀卿爲京兆尹京師雨水  
穀踊貴立宗將幸東都復問耀卿漕事耀卿因請罷陝陸運而  
置倉河口使江南漕舟至河口者輸粟於倉而去縣官雇舟以分  
入河洛置倉三門東西漕舟輸其東倉而陸運以輸西倉復以舟  
漕以避三門之水險立宗以爲然乃於河陰置河陰倉河西置柏  
崖倉三門東置集津倉西置鹽倉數盞山十八里以陸運自江淮漕  
者皆輸河陰倉自河陰西至太原倉謂之北運自太原倉浮渭以



實關中立宗大悅拜耀卿爲黃門侍郎同中書門下平章事兼江淮都轉運使以鄭州刺史崔希逸河南少尹蕭昇爲副使益漕晉絳魏濮邢貝濟博之租輸諸倉轉而入渭凡三歲漕七百萬石省陸運傭錢三十萬緡是時民久不罹兵革物力豐富朝廷用度亦廣不計道里費而民之輸送所出水陸之直增以函脚營窖之名民間傳言用斗錢運斗米其糜米耗如此及耀卿罷相北運頗艱米歲至京師纔百萬石二十五年遂罷北運而崔希逸爲河南陝運使歲運百八十萬石其後以太倉積粟有餘歲減漕數十萬石二十九年陝郡太守李齊物鑿砥柱爲門以通漕開其山顛爲軌路燒石沃醢而鑿之然棄石入河激水益湍怒舟不能入新門候其水漲以人輓舟而上天子疑之遣官者按視齊物厚賂使者還言便齊物入爲鴻臚卿以長安令韋堅代之兼水陸運使堅治漢隋運渠起關門抵長安通山東租賦乃絕灞漚並渭而東至永豐倉與渭合又於長樂坡瀕苑墻鑿金潭於望春樓下以聚漕舟堅因使諸舟各

揭其郡名陳其土地所產寶貨諸奇物於於上先時民間唱俚歌曰得侖紇那邪其後得寶符於桃林於是陝縣尉崔成甫更得俚歌爲得寶弘農野堅命舟人爲吳楚服大笠廣袖芒屨以歌之成甫又廣之爲歌辭十闋白衣缺後綠衣錦半臂紅抹額立第一船爲號頭以唱集兩縣婦女百餘人鮮服靚粧鳴鼓吹笛以和之衆艘以次轉樓下天子望見大悅賜其潭名曰廣運潭是歲漕山東粟四百萬石自裴耀卿言漕事進用者常兼轉運之職而韋堅爲最初耀卿興漕路請罷陸運而不果廢自景雲中陸運北路分八遞雇民車牛以載開元初河南尹李傑爲水陸運使運米歲二百五十萬石而八遞用車千八百乘耀卿罷久之河南尹裴迥以八遞傷牛乃爲交場兩遞濱水處爲宿場分官總之自龍門東山抵天津橋爲石堰以遏水其後大盜起而天下匱矣肅宗末年史朝義兵分出宋州淮運於是阻絕租庸鹽鐵沂漢江而上河南尹劉晏爲戶部侍郎兼勾當度支轉運鹽鐵鑄錢使江淮粟

帛繇襄漢越商於以輸京師及代宗出陝州關中空窘於是盛  
轉輸以給用廣德二年廢句當度支使以劉晏顓領東都河  
南淮西江南東西轉運租庸鑄錢鹽鐵轉輸至上都度支所領  
諸道租庸觀察使凡漕事亦皆決於晏晏即鹽利額備分吏  
督之隨江汴河渭所宜故時轉運船繇潤州陸運至揚子斗米  
費錢十九晏命襄米而載以舟減錢十五繇揚州距河陰斗米費  
錢百二十晏爲歇艫支江船二千艘每船受千斛十船爲綱每綱  
三百人篙工五十自揚州遣將部送至河陰上三門號上門填闕  
船米斗減錢九十調巴蜀襄漢麻棗竹篠爲綯挽舟以朽索腐  
材代薪物無棄者未十年人人習河險江船不入汴汴船不入河  
河船不入渭江南之運積揚州汴河之運積河陰河船之運積渭口  
渭船之運入太倉歲轉粟百一十萬石無斗溺者輕貨自揚子至  
汴州每馱費錢二千二百減九百歲省十餘萬緡又分官吏主丹揚湖  
禁引漑自是河漕不涸大曆八年以關內麴豆穰減漕十萬石度支

和糴以優農晏自天寶末掌出納監歲運知左右藏主財穀三十餘年矣及楊炎爲相以舊惡罷晏轉運使復歸度支凡江淮漕米以庫部郎中崔河圖主之及田悅李惟岳李納梁崇義拒命舉天下兵討之諸軍仰給京師而李納田悅兵守渦口梁崇義搃襄鄧南北漕引皆絕京師大恐江淮水陸轉運使杜佑以秦漢運路出浚儀十里入琵琶溝絕蔡河至陳州而合自隋鑿汴河官漕不通若導流培岸功用甚寡跡雞鳴岡首尾可以通舟陸行纔四十里則江湖黔中嶺南蜀漢之粟可方舟而下繇白沙趣東關歷潁蔡涉汴抵東都無濁河沂淮之阻減故道二千餘里會李納將李洧以徐州歸命淮路通而止戶部侍郎趙贊又以錢貨出淮迂緩分置汴州東西水陸運兩稅鹽鐵使以度支總大綱貞元初關輔宿兵米斗千錢太倉供天子六宮之膳不及十日禁中不能釀酒以飛龍駝負永豐倉米給禁軍陸運牛死殆盡德宗以給事中崔造敢言爲能立事用爲相造以江吳素嫉錢穀諸使顓利罔上乃奏諸道觀察

使刺史選官部送兩稅至京師廢諸道水陸轉運使及度支巡院  
江淮轉運使以度支鹽鐵歸尚書省宰相分判六尚書事以戶部侍  
郎元琇判諸道鹽鐵榷酒侍郎吉中孚判度支諸道兩稅增江淮  
之運浙江東西歲運米七十五萬石復以兩稅易米百萬石江西湖  
南鄂岳福建嶺南米亦百二十萬石詔浙江東西節度使韓滉淮  
南節度使杜亞運至東西渭橋倉諸道有鹽鐵處復置巡院歲終  
宰相計課最崔造厚元琇而韓滉方領轉運奏國漕不可改帝亦  
雅器滉復以爲江淮轉運使元琇嫉其剛不可共事因有隙琇稱疾罷  
而滉爲度支諸道鹽鐵轉運使於是崔造亦罷滉遂劾琇常餽米  
淄青河中而李納懷光倚以構叛貶琇雷州司戶參軍尋賜死是時  
汴宋節度使春夏遣官監汴水察盜灌溉者歲漕經底柱覆者幾  
半河中有山號米堆運舟入三門崔平陸人爲門匠執標指麾一舟百  
日乃能上諺曰古無門匠墓謂皆溺死也陝虢觀察使李泌益穀集  
津倉山西逕爲運道屬于三門倉治上路以回空車費錢五萬緡下



路減半又爲入渭船方五板輸東渭橋太倉米至凡百三十萬石遂罷南路陸運其後諸道鹽鐵轉運使張滂復置江淮巡院及浙西觀察使李錡領使江淮堰隸隸浙西者增私路小堰之稅以副使潘孟陽主上都留後李巽爲諸道轉運鹽鐵使以堰隸歸鹽鐵使罷其增置者自劉晏後江淮米至渭橋寢減矣至巽乃復如晏之及初揚州疏太子港陳登塘凡三十四陂以益漕河輒復堙塞淮南節度使杜亞乃濬渠蜀岡疏句城湖愛敬陂起隄貫城以通大舟河益庫水下走淮夏則舟不得前節度使李吉甫築平津堰以洩有餘防不足漕流遂通然漕益少江淮米至渭橋者纔二十萬斛諸道鹽鐵轉運使盧坦糴以備一歲之費省冗職八十員自江以南補署皆剽屬院監而漕米亡耗於路頗多刑部侍郎王播代坦建議議米至渭橋五百石亡五十石者死其後判度支皇甫鏞議萬斛亡三百斛者償之千七百斛者流塞下過者死盜十斛者流三十斛者死而覆船敗輓至者不得十之四五部吏舟人相挾

爲女奴榜笞號苦之聲聞于道路禁錮連歲赦下而獄死者不可勝數其後貸死刑流天德五城人不畏法運米至者十二七八鹽鐵轉運使柳公綽請如王播議加重刑大和初歲旱河涸培沙而進米多耗抵死甚衆不待覆奏秦漢時故漕興成堰東達永豐倉咸陽縣令韓遼請疏之自咸陽抵潼關三百里可以罷車輓之勞宰相李固言以爲非時文宗曰苟利於人陰陽拘忌非朕所顧也議遂決堰成罷輓車之牛以供農耕關中賴其利故事州縣官充綱送輕貨四萬書上考開成初爲長定綱州擇清彊官送兩稅至十萬遷一官往來十年者授縣令江淮錢積河陰轉輸歲費十七萬餘緡行綱多以盜抵死判度支王彥威置縣遮羣畜萬三千三百乘使路傍民養以取傭日役一驛省費甚博而宰相亦以長定綱命官不以材江淮大州歲授官者十餘人乃罷長定綱送五萬者書上考七萬者減一選五十萬減三選而已及戶部侍郎裴休爲使以河瀕縣令董漕事自江達渭運米四十萬石居三歲米至渭橋百二十萬

石凡漕達于京師而足國用者大略如此其佗州縣方鎮漕以自資  
或兵所征行轉運以給一時之用者皆不足紀唐開軍府以扞要衝  
因隙地置營田天下屯惣九百九十二司農寺每屯三頃州鎮諸軍每  
屯五十頃水陸腴瘠播殖地宜與其功庸煩省收率之多少皆使於  
尚書省苑內屯以善農者爲屯官屯副御史巡行莅輸上地五十畝  
瘠地二十畝稻田八十畝則給牛一諸屯以地良薄與歲之豐凶爲三  
等具民田歲穫多少取中熟爲率有警則以兵若夫千人助收隸司  
農者歲三月鄉少卿循行治不法者凡屯田收多者褒進之歲以  
仲春籍來歲頃畝州府軍鎮之遠近上兵部度便宜遣之開元  
二十五年詔屯官叙功以歲豐凶爲上下鎮戍地可耕者人給十  
畝以供糧方春屯官巡行適作不時者天下屯田收穀百九十餘  
萬斛初度支歲市糧於北都以贍振武天德靈武鹽夏之軍費  
錢五六十萬緡沂河舟溺甚衆建中初宰相楊炎請置屯田於  
豐州發關輔民鑿金陵陽渠以增漑京兆尹嚴郢嘗從事朔方知

其利害以爲不便疏奏不報郢又奏五城舊屯其數至廣以開渠之糧貸諸城約以冬輸又以開渠功直布帛先給田者據估轉穀如此則關輔免調發五城田闢比之浚渠利十倍也時楊炎方用事郢議不用而陵陽渠亦不成然振武天德良田廣袤千里元和中振武軍饑宰相李絳請開營田可省度支漕運及絕和糶欺隱憲宗稱善乃以韓重華爲振武京西營田和糶水運使起代北墾田三百頃出贓罪吏九百餘人給以耒耜耕牛假種糧使償所負粟三歲大熟因募人爲十五屯每屯百三十人人耕百頃就高爲堡東起振武西逾雲州極於中受降城凡六百餘里列柵二十墾田三千八百餘里歲收粟二十萬石省度支錢二千餘萬緡重華入朝奏請益開田五千頃法人七千可以盡給五城會李絳已罷後宰相持其議而止憲宗末天下營田皆雇民或借庸以耕又以瘠地易上地民間苦之穆宗即位詔還所易地而耕以官兵耕官地者給三之一以終身靈武邠寧土廣肥而民不知耕大和末王起奏立營

田後党項大擾河西邠寧節度使畢誠亦募士開營田歲收三十萬斛省度支錢數百萬緡貞觀開元後邊土西舉高昌龜茲焉耆小勃律北抵薛延陀故地緣邊數十州戎重兵營田及地租不足以供軍於是初有和糴牛仙客爲相有彭果者獻策廣關輔之糴京師糧粟益羨自是玄宗不復幸東都天寶中歲以錢六十六萬緡賦諸道和糴斗增三錢每歲短遞輸京倉者百餘萬斛米賤則少府加估而糴貴則賤價而糴貞元初吐蕃劫盟召諸道兵十七萬戍邊關中爲吐蕃蹂躪者二十年矣北至河曲人戶無幾諸道戍兵月給粟十七萬斛皆糴於關中宰相陸贄以關中穀賤請和糴可至百餘萬斛計諸縣船車至太倉穀價四十有餘米價七十則一年和糴之數當轉運之二年一斗轉運之資當和糴之五斗減轉運以實邊存轉運以備時要江淮米至河陰者罷八十萬斛河陰米至太原倉者罷五十萬太原米至東渭橋者罷二十萬以所減米糴江淮水苗州縣斗減時五十以救乏京



城東渭橋之糴斗增時三十以利農以江淮糴米及減運直市絹帛送上都帝乃命度支增估糴粟三十三萬斛然不能盡用贖議憲宗即位之初有司以歲豐熟請畿內和糴當時府縣配戶督限有稽違則迫蹙鞭撻甚於稅賦號爲和糴其實害民

食貨志第四十三



食貨志第四十四

唐書五十四

翰林學士兼龍圖閣學士朝散大夫給事中知制誥充史館脩撰臣歐陽脩奉

敕撰

唐有鹽池十八井六百四十皆隸度支蒲州安邑解縣有池五總  
曰兩池歲得鹽萬斛以供京師鹽州五原有烏池白池瓦池細項  
池靈州有溫泉池兩井池長尾池五泉池紅桃池回樂池引靜池  
會州有河池三州皆輸米以代鹽安北都護府有胡落池歲得鹽  
萬四千斛以給振武天德黔州有井四十一成州嵩州井各一果  
閬開通井百二十三山南西院領之邛眉嘉有井十三劍南西川  
院領之梓遂縣合昌渝瀘資榮陵簡有井四百六十劍南東川  
院領之皆隨月督課幽州大同橫野軍有鹽屯每屯有丁有兵歲  
得鹽二千八百斛下者千五百斛負海州歲免租爲鹽二萬斛以  
輸司農青楚海滄棣杭蘇等州以鹽價市輕貨亦輸司農天寶至  
德間鹽每斗十錢乾元元年鹽鐵鑄錢使第五琦初變鹽法就山

海井竈近利之地置監院游民業鹽者爲亭戶免雜徭盜鬻者論以法及琦爲諸州榷鹽鐵使盡榷天下鹽斗加時價百錢而出之爲錢一百一十自兵起涑庸未復稅賦不足供費鹽鐵使劉晏以爲因民所急而稅之則國足用於是上鹽法輕重之宜以鹽吏多則州縣擾出鹽鄉因舊監置吏亭戶糶商人縱其所之江嶺去鹽遠者有常平鹽每商人不至則減價以糶民官收厚利而人不知貴晏又以鹽生霖潦則鹵薄曠旱則土溜墳乃隨時爲令遣吏曉導倍於勸農吳越揚楚鹽粟至數千積鹽二萬餘石有漣水湖州越州杭州四場嘉興海陵鹽城新亭臨平蘭亭永嘉大昌候官富都十監歲得錢百餘萬緡以當百餘州之賦自淮北置巡院十三曰揚州陳許汴州廬壽白沙淮西甬橋浙西宋州泗州嶺南兗鄆鄭滑捕私鹽者姦盜爲之衰息然諸道加榷鹽錢商人舟所過有稅晏奏罷州縣率稅禁堰埭邀以利者晏之始至也鹽利歲纔四十萬緡至大曆末六百餘萬緡天下之賦鹽利居半官闡服御

軍饗百官祿俸皆仰給焉明年而晏罷貞元四年淮西節度使陳少游奏加民賦自此江淮鹽每斗亦增二百為錢三百一十其後復增六十河中兩池鹽每斗為錢三百七十江淮豪賈射利或時倍之官收不能過半民始怨矣劉晏鹽法既成商人納絹以代鹽利者每緡加錢二百以備將士春服包估為汴東水陸運兩稅鹽鐵使許以漆器瑇瑁綾綺代鹽價雖不可用者亦高估而售之廣虛數以罔上亭戶冒法私鬻不絕巡捕之卒遍于州縣鹽估益貴商人乘時射利遠鄉貧民困高估至有淡食者巡吏既多官冗傷財當時病之其後軍費日增鹽價寢貴有以穀數斗易鹽二升私糴犯法未嘗少息順宗時始減江淮鹽價每斗為錢二百五十河中兩池鹽斗錢三百增雲安渙陽塗澹三監其後鹽鐵使李錡奏江淮鹽斗減錢十以便民未幾復舊方是時錡盛貢獻以固寵朝廷大臣皆餌以厚貨鹽鐵之利積于私室而國用耗屈榷鹽法大壞多為虛估率千錢不滿百三十而已兵部侍郎李巽為使以鹽



唐書食貨志第四  
利皆歸度支物無虛估天下糶鹽稅茶其贏六百六十五萬緡初  
歲之利如劉晏之季年其後則三倍晏時矣兩池鹽利歲收百五  
十餘萬緡四方豪商猾賈雜處解縣主以郎官其佐貳皆御史鹽  
民田園籍於縣而令不得以縣民治之憲宗之討淮西也度支使皇  
甫鏞加劔南東西兩川山南西道鹽估以供軍貞元中盜鬻兩池  
鹽一石者死至元和中減死侏天德五城鏞奏論死如初一斗以上  
杖背沒其車驢能捕斗鹽者賞千錢節度觀察使以判官州以司  
錄錄事參軍察私鹽漏一石以上罰課料鬻兩池鹽者坊市居邸  
主人市僧皆論坐盜刮鹺土一斗比鹽一升州縣團保相察比於貞  
元加酷矣自兵興河北鹽法羈縻而已至皇甫鏞又奏置權鹽使  
如江淮權法犯禁歲多及田弘正舉魏博歸朝廷穆宗命河北罷  
權鹽戶部侍郎張平叔議權鹽法敝請糶鹽可以富國詔公卿  
議其可否中書舍人韋處厚兵部侍郎韓愈條詰之以爲不可平  
叔屈服是時奉天鹵池生水相以灰一斛得鹽十二斤利倍鹺鹵

文宗時采灰一斗比鹽一斤論罪開成末詔私鹽月再犯者易縣  
令罰刺史俸十犯則罰觀察判官課料宣宗即位茶鹽之法益密  
糶鹽少私盜多者適觀察判官不計十犯戶部侍郎判度支盧弘  
止以兩池鹽法敝遣巡院官司空輿更立新法其課倍入遷權鹽  
使以壕籬者鹽池之隄禁有盜壞與鬻鹽皆死鹽盜持弓矢者亦  
皆死刑兵部侍郎判度支周墀又言兩池鹽盜販者迹其居處保社  
按罪鬻五石市二石亭戶盜糶二石皆死是時江吳羣盜以所鬻  
物易茶鹽不受者焚其室廬吏不敢枝梧鎮戎場鋪堰埭以開通  
致富宣宗乃擇嘗更兩畿輔望縣令者爲監院官戶部侍郎裴休  
爲鹽鐵使上鹽法八事其法皆施行兩池權課大增其後兵遍天  
下諸鎮擅利兩池爲河中節度使王重榮所有歲貢鹽三千車中  
官田令攷募新軍五十四都譚轉不足乃倡議兩池復歸鹽鐵使  
而重榮不奉詔至舉兵反僖宗爲再出然而卒不能奪唐初無酒  
禁乾元元年京師酒貴肅宗以稟食方屈乃禁京城酤酒期以麥

孰如初二年飢復禁酤非光祿祭祀燕蕃客不御酒廣德二年定天下酤戶以月收稅建中元年罷之三年復禁民酤以佐軍費置肆釀酒斛收直三千州縣摠領醱薄私釀者論其罪尋以京師四方所湊罷權貞元二年復禁京城畿縣酒天下置肆以酤者斗錢百五十免其徭役獨淮南忠武宣武河東榷麴而已元和六年罷京師酤肆以榷酒錢隨兩稅青苗斂之大和八年遂罷京師榷酤凡天下榷酒爲錢百五十六萬餘緡而釀費居三之一貧戶逃酤不在焉昭宗世以用度不足易京畿近鎮麴法復榷酒以贍軍鳳翔節度使李茂貞方顯其利按兵請入奏利害天子遽罷之初德宗納戶部侍郎趙贊議稅天下茶漆竹木十取一以爲常平李錢及出奉天乃悼悔下詔亟罷之及朱泚平佞臣希意興利者益進貞元八年以水災減稅明年諸道鹽鐵使張滂奏出茶州縣茗山及商人要路以三等定估十稅其一自是歲得錢四十萬緡然水旱亦未嘗極之也穆宗即位兩鎮用兵帑藏空虛禁中起百尺樓

費不可勝計鹽鐵使王播圖寵以自幸乃增天下茶稅率百錢增五十江淮浙東西嶺南福建荆襄茶採皆領之兩川以戶部領之天下茶加斤至二十兩播又奏加取焉右拾遺李珣上疏諫曰權率起於養兵今邊境無虞而厚斂傷民不可一也茗飲人之所資重稅則價必增負弱益困不可二也山澤之饒其出不訾論稅以售多爲利價騰踊則市者稀不可三也其後王涯判二使置榷茶使徙民茶樹於官場焚其舊積者天下大怨令狐楚代爲鹽鐵使兼榷茶使復令納榷加價而已李石爲相以茶稅皆歸鹽鐵復貞元之制武宗即位鹽鐵轉運使崔珙又增江淮茶稅是時茶商所過州縣有重稅或掠奪舟車露積雨中諸道置邸以收稅謂之塌地錢故私販益起大初中鹽鐵轉運使裴休著條約私鬻三犯皆三百斤乃論死長行羣旅茶雖少皆死雇載三犯至五百斤居舍僧保四犯至千斤者皆死園戶私鬻百斤以上杖背三犯加重徭伐園失業者刺史縣令以縱私鹽論廬壽淮南皆加半稅私商

給自首之帖天下稅茶增倍貞元江淮茶爲大摸一斤至五十兩  
諸道鹽鐵使于悰每斤增稅錢五謂之剩茶錢自是斤兩復舊凡  
銀銅鐵錫之冶二百六十八陝宣潤饒衢信五州銀冶五十八銅冶  
九十六鐵山五錫山二鉛山四汾州礬山七麟德二年廢陝州銅冶  
四十八開元十五年初稅伊陽五重山銀錫德宗時戶部侍郎韓  
洄建議山澤之利宜歸王者自是皆隸鹽鐵使元和初天下銀冶廢  
者四十歲采銀萬二千兩銅二十六萬六千斤鐵二百七萬斤錫  
五萬斤鉛無常數開成元年復以山澤之利歸州縣刺史選吏主  
之其後諸州牟利以自殖舉天下不過七萬餘緡不能當一縣之  
茶稅及宣宗增河湟戍兵衣絹五十二萬餘匹鹽鐵轉運使裴休  
請復歸鹽鐵使以供國用增銀冶二鐵山七十一廢銅冶二十七  
鉛山一天下歲率銀二萬五千兩銅六十五萬五千斤鉛十一萬  
四千斤錫萬七千斤鐵五十三萬二千斤隋末行五銖白錢天下  
盜起私鑄錢行千錢初重二斤其後愈輕不及一斤鐵葉皮紙皆



以爲錢高祖入長安民間行綫環錢其制表輕小凡八九萬纔滿半斛武德四年鑄開元通寶徑八分重二銖四參積十錢重一兩得輕重大小之中其文以八分篆隸三體洛并幽益桂等州皆置監賜秦王齊王三鑪右僕射裴寂一鑪以鑄盜鑄者論死沒其家屬其後盜鑄漸起顯慶五年以惡錢多官爲市之以一差錢售五惡錢民間藏惡錢以待禁弛乾封元年改鑄乾封泉寶錢徑寸重二銖六分以一當舊錢之十踰年而舊錢多廢明年以商賈不通米帛踊貴復行開元通寶錢天下皆鑄之然私錢犯法日蕃有以舟筏鑄江中者詔所在納惡錢而姦亦不息儀鳳中瀕江民多私鑄錢爲業詔巡江官督捕載銅錫鑼過百斤者沒官四年命東都糶米粟斗別納惡錢百少府司農毀之是時鑄多錢賤米粟踊貴乃罷少府鑄尋復舊永淳元年私鑄者抵死隣保里坊村正皆從坐武后時錢非穿穴及鐵錫銅液皆得用之熟銅排斗沙澀之錢皆售自是盜鑄蜂起江淮游民依大山陂海以鑄吏莫能捕先天之際

兩京錢益濫，柳衡錢纒有輪郭，鐵錫五銖之屬皆可用之。或鎔錫摸錢，須更百十開。元初宰相宋璟請禁惡錢行，二銖四參錢毀舊錢不可用者。江淮有官鑪錢，偏鑪錢，稜錢，時錢，遣監察御史蕭隱之使江淮，率戶出惡錢，捕責甚峻。上青錢，皆輸官，小惡者沈江湖，市井不通，物價益貴，隱之坐貶官。宋璟又請出米十萬斛收惡錢，少府毀之。十一年詔所在加鑄，禁賣銅錫及造銅器者。二十年，千錢以重六斤四兩爲率，每錢重二銖四參，禁缺頓沙澁湯塗白彊黑彊之錢。首者官爲市之銅一斤爲錢八十二。二十二年宰相張九齡建議，古者以布帛菽粟不可尺寸杪勺而均，乃爲錢以通貿易。官鑄所入無幾，而工費多，宜縱民鑄，議下百官。宰相裴耀卿、黃門侍郎李林甫、河南少尹蕭昇、秘書監崔沔皆以爲嚴斷惡錢，則人知禁稅銅折役，則官冶可成計，估度庸則私錢以利薄而自息。若許私鑄，則下皆棄農而競利矣。左監門衛錄事參軍事劉秩曰：今之錢古之下幣也。若捨之任人，則上無以御，下無以事，上不可

一也物賤傷農錢輕傷賈物重則錢輕錢輕由乎物多多則作法收之使少物少則作法布之使輕奈何假人不可二也鑄錢不雜鉛鐵則無利雜則錢惡今塞私鑄之路人猶冒死況設陷弄誘之不可三也鑄錢無利則人不鑄有利則去南畝者衆不可四也人富則不可以賞勸貧則不可以威禁法不行人不理繇貧富不齊若得鑄錢貧者服役於富室富室乘而益恣不可五也夫錢重繇人日滋於前而鑪不加舊公錢與銅價頗等故破重錢為輕錢銅之不贍在採用者衆也銅之為兵不如鐵為器不如漆禁銅則人無所用盜鑄者少公錢不破人不犯死錢又日增是一舉而四美兼也是時公卿皆以縱民鑄為不便於是下詔禁惡錢而已信安郡王禕復言國用不足請縱私鑄議者皆畏禕帝弟之貴莫敢與抗獨倉部郎中韋伯陽以為不可禕議亦格二十六年宣潤等州初置錢監兩京用錢稍善米粟價益下其後錢又漸惡詔出銅所在置監鑄開元通寶錢京師庫藏皆滿天下盜鑄益起廣陵丹楊

宣城尤甚京師權豪歲取之舟車相屬江淮偏鑪錢數十種雜以鐵錫輕漫無復錢形公鑄者號官鑪錢一以當偏鑪錢七八富商往往藏之以易江淮私鑄者兩京錢有鵝眼古文綫環之別每貫重不過三四斤至剪鐵而鑄之宰相李林甫請出絹布三百萬匹平估收錢物價踊貴訐者日萬人兵部侍郎楊國忠欲招權以市恩揚鞭市門日行當復之明日詔復行舊錢天寶十一載又出錢三十萬緡易兩市惡錢出左藏庫排斗錢許民易之國忠又言錢非鐵錫銅沙穿孔古文皆得用之是時增調農人鑄錢既非所習皆不聊生內作判官韋倫請厚價募工繇是役用減而鼓鑄多天下鑪九十九絳州三十揚潤宜鄂蔚比皆十益柳比皆五洋州三定州一每鑪歲鑄錢三千三百緡役丁匠三十費銅二萬一千二百斤鑪三千七百斤錫五百斤每千錢費錢七百五十天下歲鑄三十二萬七千緡肅宗乾元元年經費不給鑄錢使第五琦鑄乾元重寶錢徑一寸每緡重十斤與開元通寶參用以一當十亦號乾

元十當錢先是諸鑪鑄錢竄薄鎔破錢及佛像謂之盤陀皆鑄爲私錢犯者杖死第五琦爲相復命絳州諸鑪鑄重輪乾元錢徑一寸二分其文亦曰乾元重寶背之外郭爲重輪每緡重十二斤與開元通寶錢並行以一當五十是時民間行三錢大而重稜者亦號重稜錢法旣屢易物價騰踊米斗錢至七千餓死者滿道初有虛錢京師人人私鑄併小錢壞鍾像犯禁者愈衆鄭叔清爲京兆尹數月榜死者八百餘人肅宗以新錢不便命百官集議不能改上元元年減重輪錢以一當三十開元舊錢與乾元十當錢皆以一當十碾磴鬻受得爲實錢虛錢交易皆用十當錢由是錢有虛實之名史思明據東都亦鑄得一元寶錢徑一寸四分以一當開元通寶之百旣而惡得一非長祚之兆改其文曰順天元寶代宗即位乾元重寶錢以一當二重輪錢以一當三凡三日而大小錢皆以一當一自第五琦更鑄犯法者日數百州縣不能禁止至是人甚便之其後民間乾元重稜二錢鑄爲器不復出矣當時議者



以爲自天寶至今戶九百餘萬王制上農夫食九人中農夫七人  
以中農夫計之爲六千三百萬人少壯相均人食米二升日費米  
百二十六萬斛歲費四萬五千三百六十萬斛而衣倍之吉凶之  
禮再倍餘三年之儲以備水旱凶災當米十三萬六千八十萬斛  
以貴賤豐儉相當則米之直與錢鈞也田以高下肥瘠豐耗爲率  
一頃出米五十餘斛當田二千七百二十一萬六千頃而錢亦歲毀  
於棺瓶埋藏焚溺其間銅貴錢賤有鑄以爲器者不出十年錢幾  
盡不足周當世之用諸道鹽鐵轉運使劉晏以江嶺諸州任土所  
出皆重麤賤弱之貨輸京師不足以供道路之直於是積之江淮  
易銅鉛薪炭廣鑄錢歲得十餘萬緡輸京師及荆揚二州自是錢  
日增矣大曆七年禁天下鑄銅器建中初戶部侍郎韓洄以商州  
紅崖冶銅多請復洛源廢監起十鑪歲鑄錢七萬二千緡每千錢  
費九百德宗從之江淮多鉛錫錢以銅邊外不盈斤兩帛價益貴  
銷千錢爲銅六斤鑄器則斤得錢六百故銷鑄者多而錢益耗判

度支趙贇採連州白銅鑄大錢一當十以權輕重貞元初駱谷散關禁行人以一錢出者諸道鹽鐵使張滂奏禁江淮鑄銅爲器惟鑄鑑而已十年詔天下鑄銅器每器一斤其直不得過百六十銷錢者以盜鑄論然而民間錢益少緡帛價輕州縣禁錢不出境商賈皆絕浙西觀察使李若初請通錢往來而京師商賈贖錢四方賀易者不可勝計詔復禁之二十年命市井交易以綾羅絹布雜貨與錢兼用憲宗以錢少復禁用銅器時商賈至京師委錢諸道進奏院及諸軍諸使富家以輕裝趨四方合券乃取之號飛錢京兆尹裴武請禁與商賈飛錢者庾索諸坊十人爲保鹽鐵使李巽以郴州平陽銅坑二百八十餘復置桂陽監以兩鑪日鑄錢二十萬天下歲鑄錢十三萬五千緡命商賈蓄錢者皆出以市貨天下有銀之山必有銅唯銀無益於人五嶺以北採銀一兩者流它州官吏論罪元和四年京師用錢緡少二十及有鉛錫錢者捕之非交易而錢行衢路者不問復詔采五嶺銀坑禁錢出嶺六年賀易

錢十緡以上者參用布帛蔚州三河冷距飛狐故監二十里而近  
河東節度使王鐔置鑪疏拒馬河水鑄錢工費尤省以刺史李聽  
爲使以五鑪鑄每鑪月鑄錢三十萬自是河東錫錢皆廢自京師  
禁飛錢家有滯藏物價寢輕判度支盧坦兵部尚書判戶部事王  
紹鹽鐵使王播請許商人於戶部度支鹽鐵三司飛錢每千錢增  
給百錢然商人無至者復許與商人敵貫而易之然錢重帛輕如  
故憲宗爲之出內庫錢五十萬緡市布帛每匹加舊估十之一會  
吳元濟王承宗連衡拒命以七道兵討之經費屈竭皇甫鏘建議  
內外用錢每緡墊二十外復抽五十送度支以澹軍十二年復給  
京兆府錢五十萬緡市布帛而富家錢過五千貫者死王公重貶  
沒入於官以五之一賞告者京師區肆所積皆方鎮錢少亦五十  
萬緡乃爭市第宅然富賈倚左右神策軍官錢爲名府縣不敢劾  
問民間墊陌有至七十者鈔錫錢益多吏捕犯者多屬諸軍諸使  
諱集市人彊奪毆傷吏卒京兆尹崔元略請犯者本軍本使洳決

帝不能用詔送本軍本使而京兆府遣人泄決穆宗即位京師鬻金銀十兩亦墊一兩糴米鹽百錢墊七八京兆尹柳公綽以嚴法禁止之尋以所在用錢墊陌不一詔從俗所宜內外給用每緡墊八十寶曆初河南尹王起請銷錢爲佛像者以盜鑄錢論大和三年詔佛像以鉛錫土木爲之飾帶以金銀鍮石烏油藍鐵唯鑑磬釘鐸鈕得用銅餘皆禁之盜鑄者死是時峻鉛錫錢之禁告千錢者賞以五千四年詔積錢以七千緡爲率十萬緡者期以一年出之二十萬以二年凡交易百緡以上者匹帛米粟居半河南府揚州江陵府以都會之劇約束如京師未幾皆罷八年河東錫錢復起鹽鐵使王涯置飛狐鑄錢院於蔚州天下歲鑄錢不及十萬緡文宗病幣輕錢重詔方鎮縱錢穀交易時雖禁銅爲器而江淮嶺南列肆鬻之鑄千錢爲器售利數倍宰相李珣請加鑪鑄錢於是禁銅器官一切爲市之天下銅坑五十歲采銅二十六萬六千斤及武宗廢浮屠法永平監官李郁彥請以銅像鍾磬鑪鐸比歸巡院

州縣銅益多矣鹽鐵使以工有常力不足以加鑄許諸道觀察使  
皆得置錢坊淮南節度使李紳請天下以州名鑄錢京師為京錢  
大小徑寸如開元通寶交易禁用舊錢會宣宗即位盡黜會昌  
之政新錢以字可辨復鑄為像昭宗末京師用錢八百五十為貫  
每百纔八十五河南府以八十為百云

食貨志第四十四

